

A bikeṇa ala ba yıtı ke Kande walı sɛbre

L’histoire de Kande

**Kāng dōm kun a fuba bu dɛy ba bakı da ba
boṇsu bınma a sıda kong bāadey wōfu sām̃ma la
ba hōṇɔ ba.**

A yūgānəu kong ase la ?

A sıda kong a bāadey kun kurv fuba kun kē tusa
hurv a dūniyā kong yoro fēnde kām̃a la.

Ukɔ fuba bīnimba kura ba serv ba bollu ke : «A
donfe zue a dāng yoro, ı hīi la ı taa n go ze, a kuam
lēle gv sēv.

A sıda kong ba wōfa a sēv, la v dɛyla v gullı a
veyiyas gv ba tere hū.

U kv a donfe kong zaa gv ba dōme hū.

Yoote yoote, a dūniyā kong durv yoro, fuba kun
mang miliyōma fintāa la ı naa la feefu la a Veyiyaas
kong, la bakɔ tolle, fuba kun tɛ miliyō sofe la ı taa la

wē a fuba bīmimbo kunəu hūn wē a hulau zāmma
kun ba yiti ke Sahara kong hogo.

A Veyiyaas kong, a bāadey bi kun bellu la a sida
kong la gu.

A fuba potu binma a bāadey kong yie ba ya ke a
Veyiyaas kong wāna ba kulɔ kong yoro.

Afrɩk kunəu mang mang yoro, kun kē fo dōm fuba
naa ni a bāadey kong wōfu la gu kura ba.

A sida kong kun homo gu yieni sāmma, a fuba
binma biri beng la.

A bu hulluba sɩbru nengkana ba dugru ba, guko la
pa Afrɩk yoote yoote a werebu kun kē miliyōma fi
la ɪ nom la wē, a Sida kong tomo.

Kun dagsɩɪ, tomə wəlluba binma hānsɩɪ a fuba
bu hāna hāna beng la sɩbru ba dugru ba.

(Kong sɩɪ Yunayideyes UNAIDS tomde kong kun
yable kāna duru Maglamfi wargam heng yoro, zenə
2011 zende kong gu pilang fi la gu dōm kong titɛ

ni) (Statistiques du rapport global de l'UNAIDS, novembre 2011)

**Nangkana Zezi yomde kong fuba dɛy ba legeti
yũgãñəu nangsa yoro ? Ase Zezi yomməba bɛng
dɛy ba bakɪ yũgãñəu nangsa yoro?**

Zezi kʊn tuke a dũniyã yere sɔɔnɛ, Də kom a
bãadama bɛng la bɪnma n go kʊn kãma ba tɪkɪ la ba
a feeley kong wũngoy halɪ hãna hãna.

Də zɔmmaa ke bɪnma yommu Dəko bɛng bakɪ kʊn
Dəko bake kong kãna.

A sɪda kong walɪ kʊn yẽɲsɛ gu gẽn ning kong, gu
hibu ʊko fuba bɪnimba halmii kong la a fuba bɪnma
ba kãɲna la bɪnma n sɪbrʊ.

Gu pa ʊ zamaan nangu hibu la seb-kẽna la a werebu
bɪnma ngo kʊn ba tɪkɪ kãma.

Zezi zɔmma ke ʊ hãɲsɪ namba sãmma.

A Dɔfrɛ zɔmma ke ʊ tɪ a hõmni sãmma ʊ fee.

A Dɔfrɛ tutɛ kong yoro, Də hɔ̃ngura kɔn kãna v
fɛfu la ka a Veyiyaas kong bɛ yĩe hũ la kɔn kãna v
ba zalada gu.

A zena gondɔ heng yoro, a bəəni yẽɛɛy dɔmba
sãmma zãng a bɔrɔfti pɔta kɔn gullɔri a Veyiyaas kong
langam Afrɩkɩ.

A kã̃nsam pɔtu ba bakɛ kɔn dagsɔri a fuba bɛng
bɛnnɩ ba tɩ a kapɔt kong ka a bãadɛy kong bi bɛ zala
ba.

La bɔrɔfti hɔn ba zãngɛ hẽng duru ba dɛysɛ walɩma
pɔtu furo ni ; la a Veyiyaas kong bãadɛy kong kɔ
langam kɔ lɛ.

La, gu tɩgɛɛ la Ugãnda halmi kong ni, a hoygamfi
kɔn bɛ la hɔ̃mni kɔn ba yɩtɩ ke ABC kong pa a
Veyiyaas kong bãadɛy kong lɩam /zaladam nene
bɔɔgu haalɩ ; kɔn kẽ duru a belɩə bɔrma kɔn magtɩ
zena 15 gu yaku 19 bɛng tullɛ.

Boru dõm kun ba yure ABC kong yigsi Zezi tute kong wolle yabrefi nboo yiengulle n dagalı n tɔy, baki a yão la n tufudono la a kapɔt kong tigam bɩnma ba zãnge a pote wolle yabrefi ɪ hĩi heng. (Yamamori tute kong yoro, gu ɔɔfre yika 70 yoro.)

U fuba bĩnimbə Afrík yere ku ba Seru ba bollu ke :« Wõn-bi dõm ba kõta a varam. Wõnde dõm ba dõyəna a da-kille.»

Afrík yere Zezi boru kong fuba mente ba wɔl ba deysɪrɪ ba kēmɛtu a walɪ kong.

Nangkana tute nangsa wɔllu la?

A hõngrɔ hong hɛmma də hõŋɔ a hõngrɔ hãŋsam tute nangsa gu la « Kande sebre walɪ, a seburɔ tute» kong, gu dagsɪ la a Dɔfre tute kun wargɪ la a dugo wɔɔɔ dɪ wɔl.

Gu tige kun hẽmmu, a hõngrɔ ba hõŋgura a sebam kong tigini heng duru naadõm.

Də hẽmma də da kun te lɛerma tãa də hõngu sebam dõm gumde la gu hãŋsi.

Kun magti le də toru a sebam duru furfi wəlb.

Sebam kāma nə, a wole yabre kun dey gu yom la ning :

1. A sebre kong

A hōngro hong zāsəra də hilo də karam a sebre kong duru maa sebro kāma karama gu sekre dōm.

Na nana a sebre nangu a tite kun hānsəri a hōngro hong tite yoro gu la gu tite fōfre kalle kun ya magti la a sebro hong tite kong.

Ləkana, a hōngro hong dəysıri də hānsı a sebruba beng ba na ba tite kong fōfre yıka kalle.

2 A zıgımamfi hun zəmmu legeti-n-pa-dombə.

Ba seke ke ɔ zıgı zıgamfi hun wē tite nangsa yoro kun pandı a fuba beng wuletem domba a sebre kong tigini hin wōfu a furo tike.

Kun pandı a wuletəm-domba mang mang heng tı a zərə, a hōngro hong dəyla də toru a sebruba beng fuba kallini kallini.

Gu hānia, də kureturı a fuba bəng kalle a sekia heng yoro.

A sekre kong duru deyła sōne dōm ba duru menti dombə ba Wuletəm domba, maa sōne dōm mu ba toru fuba naa gu yaku ı huru sekia maa, boŋəə fuba hīi hīi.

3. A hāuma kun hēmmu la gelam

A sebolb hong hēmma də hōngu a hāuma hun wē tite nangsa yoro, la də kāŋsı də gel fast ke a sebru kāma dōmōndaa hē hāna hāna.

Gu seke ke na gōru sōne sōne a sebre kong kun yao hēm la a sebre kong sekia dōm kun na sebru kong.

4. A teyatr kūməŋə la a lelam.

A fuba bəng kun ba tore sekre sekre deyła ba bakı a teyaatr hōne kūməŋə kun hōnguru a sebre yıka.

Gu deyła mu gu bakı a leləgu kun hōngru a hāuma kun ba kun walı ba wolume a sebam kong yoro.

A fuba bınma ba tıge la dombə bəng duru deyła ba menti ba bakı tomə nangsa maa a sebuha bəng

dɛyla ba toru domba fuba kallule ba bakı leləgufi
maa a teyaatr pɔta.

5. Kāng dōm kun a Dɔfrɛ tite kong bollu.

Kun darı gu kuru kāng kāma, fo dōm posura a Dɔfrɛ
də zorom Də də wɔlɔm la də wɔgɔ kong.

Gukɔ belle ni, a hōngrɔ hong zoromə a fuba beng
yoro fo dōm də karam a Dɔfrɛ tite kong yoro verse
dōm kun wē a sɛbam kong yoro.

Gu kōndɛ ke a fuba beng tulle a fuba la pɔtu ba ba
yā a karōngu, gu hēm̄ma a verse heng karōng tı nay
wɔlɔ.

Kun dɛfu gukɔ, a hōngrɔ hong karamaa a zigam gu
dono belle ni, a gurup kong song hĩ ba wuletəm
dombə ba da gu ni a yorobəm.

A gurup kong kebluŋa wası, ba tota a sebruba beng
gurupfi yōoni yōoni kalle.

A fuba bu bınma ba wōfa a Dɔfrɛ tite kong duru la
ba dugo wɔgɔ, gu hēm̄ma ɔ kɪrɛtɪ a tite nangu

versefi hun ngo hēng, v hōngu hĩ a Dəfre tite kong
wuletəm yēlɔ də ye wala ɪ magtɛ.

Kun defu, na tika a versefi nah ɪ a tite kong ni.

Gu ba tige lɛ /gaa tige lɛ / Kɔmaa / Gukɔ maana
n dɔ, na dəyla na karam a versefi nahɪ a dugu wɔgɔ
kun yoro a Dəfre tite nangu wē na halmi ni.

Gukɔ belle ni, na yaka yika ni na wuleti dombə na
dugo wɔgɔ kong yoro.

6 A posəm la yēŋs-n-bakɪ kāng

A gurup kong fuba hēm̄mma ba mentɪ dombə ba yīe
hōmni feleng dōm kun / fo kāma yāa a kēma (la
fonkāa yōngu) , la gu mang ba Zezi yomməba bəng
duru la a fuba bu bəng duru nə.

Ba hēm̄mma ba wārgɪ a segiya a taablo binig dɔba
maa a tite fōfre parmə dɔba, ba hōngu ala la bakɪ
ningkong la sōɔnɛ dōm kun fonkāa bakɪ gu.

A kendəgam ni, gu hēm̄mma ba zāng a para ba posu
hōmni dōm hun ba yīe hēng nə la ba posu dombə
nə.

A hōngrɔ hong la kekri kun bɔv la bakam /hāna gu
kē: maa ba duru menti ba posu maa ba toro dombə
ba posu.

A sɛbam 1

A zɪgamfɪ kʊn darɪ gu wuletəm dombə

1. Nangkana na yā /gelli ke Kande sa hong ba kǎŋəna, na larɛɛ a legetəm kong a sɛbrɛ kong yoro.
2. A sɛbrɛ kong yoro, a bɔrɔ-bi la bo Kande nə a wɔgɔ zaabɪ a daaga ni. Nangkana gu dɛy gu wol də, ase na hamandʊ la gu?
3. Bɪnma nakɔ wē la bɛŋg sām̄ma tullɛ, a fo gelee ke a sɪda kong bāadɛy la wɔ̄fʊ də, kɔgɪllɛ dɪ sɛbra gu də yēm̄ba nə? Daa sɛbrɛŋa gu ba nə, ase nə la?
4. Nangkana ba sɛbrɛ gu ba bu nə? Nakɔ hōm̄ni ni, nangkana la bɔv a bi nə də dɔmɔ walɪ kǎŋəna /somənə nangsa ?
5. A fuba bɪnma nakɔ fefu la bɛŋg tullɛ, fo dōm yāaŋa ke fo sɔrɔ la wɔ̄fʊ a sɪda kong bāadɛy, kɔgɪllɛ gu songrə a fo yao ye də? Ase nə gu songru maa gu ba songrə?

6. Kande sa hong kun benɛ hoy a ba kãŋəna kong,
də yẽmba bɛng duru da lagfaa. Ase la da ti a
degre ba buna yoro?

A hãvma kun v hẽmmu v sɛbu v gel

Ase la a sɪda la nangkana gu kuru a fo ?

Nangkana gu bellɪ la a sɔm

A sɪda kong a bãadey kun a bãadey bi kun ba yɪti
Veyiyaas bellɪ la.

A teyaatr kũməŋə kun dɛfu kong hõngura hũ
nangkana a Veyiyaas kong hõgfu gu yao tɛ a sɪda
kong tike la gu yao kɛndɪgi la a sɔm.

(Bakɪ na teyaatr kũməŋə nangsɪ la gurup kong duru.)

Kande sa hong kulɔ yoro

Kāng dōm kun a hōngrɔ hong bolɔ	Kāng dōm kun a hōngrɔ hong la a sebruba bēng bakɔ.
Sɔram Pote : Baaba wōfa a bəəni Scène 1: Papa est en bonne santé	
«Baaba kulɔ kong la nēng.» «A Dɔfre pa ɔ kulɔ hēng nə a sorfi kun hagɔ hū la a bāadeyfi.»	A hōngrɔ hong hōngɔ a dēsam gīndegə kun dēsɔ sēnɛ. <i>L'animateur montre un cercle par terre.</i> Fuba taa dɔba a nammafi kun dɔba ‘Veyiyaas’ wē. Fuba sɔrba taa dɔba a nammafi kun dɔba ‘Gura Pōniyā’. l taa sɔrhɔ gɔyənɔ hun dɔba gu wārgɛ : ‘mērgu’, ‘saramde’, la

	‘kossu kōone’ hun hufu herga ni ze.
« U yām kong yoro, a hā uma yōoni la wē kun ba yitɪ ke « a gīndihī pōnia.» ɪ wɔllaa ʊ kulɔ kong yoro nbolla a sodaasi. A bāadɛy bu kallɪnɪ, kun bellɪ la a bāadɛy zue ʊ kulɪ heng yoro, sodaasuu hengsa hāngsəra hū ʊ wuleti ʊ da a bəəni.»	A Gura pōniyā hēng duru tōna Baaba kulɔ kong yoro. ɪ dētaa ɪ pəna hēng ɪ hənguru ke ɪ kāŋənaa.
«A mɛrgu yīee Baaba, la gu d ugu də zɔɾe zɔɾe.»	A fo ala wɔfu a nammɪ kun dɔba ‘mɛrgu’ wē kong gondu də zu a gīndigə kong yoro la a tīmsi yōŋa bellɛ ni lɛ, ba gɔmdə də sɪrɪ selle.

«Kun dɛfu gukɔ, a saramdɛ la yĩee Baaba. Də kulɔ kong dɛysɪ a saramdɛ nangu zɔrɛ zɔrɛ.»	Fo dõm ala wõfu a namma v ‘saramdɛ’ nammu kong gondu də zu sẽne gĩndegə kong yoro, la tĩmsi yõŋa belle ni lɛ, gu gɔɛ selle.
--	--

Sıram Hĩindigu : a Veyiyaas kong zala Kande sa hong	
«Fẽnde dõm, Baaba yao labu la a kẽu ala wõfu a Veyiyaas kong bãadey bi də kulo yoro. Wakatı yõṇaa nə, a Veyiyaas kong ba dey gu bakki də kãng.»	A Veyiyaas kong bãadey bi zu sēne gĩndəga kong yoro gu hubɔ.
«Baaba sole a bã-kãṇəna, də dəyla də gɔ də yẽṇsı zɔɾe zɔɾe.»	‘Mergu’ wuleti də be a tike kong yoro la a gura pōniyã heng gɔm gu ı sɪrsı selle.
« La, a Veyiyaas kong kuru a wigəm»	A ‘Veyiyaas’ hĩindigu be tɛ, gu la a pote saa hong, ı mentı ı ku a gĩndəga

	põnong kong gu sol zae.
«Baaba pãnga kong ba fẽfa gu tẽ gu taare tike kong ni. Da dẽ deysi a saramdẽ tɔngura sa gu kẽ taare.»	Gukɔ belle ni, ‘saramdẽ’ wuleti dẽ bẽ, la gĩndəhĩ pōniyã ɪ hĩ hẽng zãng ərə a para pɔta saneng kũn dari gu deysi ɪ gɔm gu ɪ sɪrsɪ selle.
Sɪram Tãandɪgu : A sɪda kong yĩe Baaba	
«A Veyiyaas kong bãadẽy bi fẽfa lẽ gu wigri la gu kuru a Gura pōniyã hẽng. A bãadẽy duru deyla ɪ dobo Baaba kɔ lẽ. A sɪda kong la wɔfu dẽ.»	A ‘Veyiyaas’ tãandɪgu bẽ zɔŋɔ a pote ɪ hĩ hẽng ni. ɪ menti domba ɪ ku a gĩndəga pōnong hĩindigu hong. Gukɔ belle ni, ‘kosu kōone’, ‘mɛrgu’, la ‘saramdẽ’ wuleti ɪ bẽ. A gĩndəga pōnong dõm ala fẽng dẽ teng hong ba dẽy dẽ wol la hẽ dẽ gɔm hẽ.

«Baaba ba kãṇəna baa baa yõ ṇaa. Də pãnga kong wõfu lɛ a bɔɔgam. Də bɛ kɛndɪɣɪ də sɪbu.»	A bãadey kong bu hõnda, ɪ hõnguru ke ɪkɔ la deysi a wolugə kong.
---	---

**Ase la ase la hōngru ke dōmni a sɪda kong wōfa
a fo ?**

(Wuletəm na domba la zɪgam nangsɔ kʊn na wē na
toru dombə fuba kallɪɛ hēng yoro. Zāng na hē na
yao toru na duru bənɛɛ mɛntɪ. A fuba bəng
ba wɔlɔmɛɛ walɪ dōm hɪn wē yere hēng walɪ maa na
dagsɪ hē.)

- Nandɪ saa kʊlɔ kong homsərəə, kʊn kē a pɪlang
- Də saa zɛtaa halɪ kesem.
- Də saa fɔru horaa kʊn kē a pɪlang gu ba hɪfa
- A kosu la wōfu də saa kʊn kē a pɪlang
- A fo mandɪ niila ke də kʊlɔ pānga kong kɛndɪ.
- Də saa wōfaa a vīfi də nene kong la də kʊbɔ kong
yoro.
- A fo nandɪ kʊlɔ kong hōkʊraa də wasɪ.
- A fo nandɪ wōfa a gura maa a mɔrfimii də kʊbɔ
kong ni, də bugma /də buguma hēng ni, la də
pogtou hēng ni.
- A fo nandɪ wōfa a yongou də nene kong yoro maa
də bɛnnɪ ma də kēyāy kong dɔba.

- A fo nandɪ barkɪ dʊrv kendra bundɛ kong dʊrv yɛy la fɛndɛ ni, dɔ bɛɛ kʊn dʊrv dɔ tɪkɪ.
- La bɛɛdɛy sɔrhɪ la wɛ ɪ dɛy ɪ bakɪ a fo dɔba walɪma hɛng dugo. Kʊn ɪ bɛllɪ mɛntɪ domba a fo dɔba la pandɪ v hɛma ke a sɪda kong la wɔfv a fo. A yɛm kong keki n yɛm n ye lɛɛɛ pandɪ v gel fasɪ ke a sɪda kong la.

A sɪda kong wɔfvɛɛ a fo, dɔ dɛyla dɔ gɔ dɔ da a bɛɛni bii?

(Zɪɪ na a fuba bɛng dʊrv ni nɛng kana. Kʊn dɛfv, hɔngv na walɪma hɛng dɛfv sɛnɛ sɛnɛ hɛng ba gel)

- Ō ō, halɪ yoote, a lɔgtɔɔmbav kɔkɔla bɛng ba na a SɪDA kong sɛv.
- A Sɪda kong sɛv kɔmmʊgv n go dɔm, kʊn zɔmmʊgv bo ke a sɛv kʊn gullɪ ka a Veyiyaas kong bɛ yɛ a fo n go.

Nangkana a fo ala a Veyiyaas kong maa a Sida kong yīe dey də hōŋɔ də bæni də tɔngu.

(Hōngu na a walima hun defu hēng a fuba bēng ni ba gel la na wuletəm domba. Kun defu gu kɔ, bakɪ na «Baaba kulɔ kong, kun defu» hōne kun wē a tite kong kɛndɪgam kong ni.)

- A vitaminfi hēng wāna a dufti yoro, la ɪ hāngsɪra a kulɔ kong gu pānga dagsɪ la a bāadey hēng deysam. A febi bu la a dammi fɔfi hēng wōfa a vitamin hēnge kesem. A fo ala a sida kong wōfu hēmma də dɪrɪ hɪ kesem.
- A sēufti la wē hāngsɪrɪ la bāadey kun a fo ala a Veyiyaas kong wōfu yīeni zɔre zɔre nbolla a kosu, a nene vīfi, a saramde, a hem, la a kosu kōone. A sēu hollɛ la wē ba yɪtɪ hɪ la a nansarundu ke «a āntiretroviro», (Ayerve). ɪ wolla la a Veyiyaas kong bāadey bi keng.
 - A Ayerve sēufti mang mang hēng deyla ɪ gullɪ ka a yā be zala a bāadey kong də bi ni ala də hule maa ala dōm fēfu də fɔru ni. Sēufti nangsa, ɪ

dɛyla fɛndɛni, ʋ na hĩ a kɛna fɔrft sãmma
lɔgtɔɔmbau dãe ni.

- A Ayerve kong dugo sɔrgu la wẽ gu dɛy gu
hãngsɪ a fo ala a SɪDA kong wɔfu dɛ gu dɛ da a
bɛɛni la dɛ hɔŋɔ dɛ tɔngu. La sɛufi hɛngsamma
ba ɪ ku a Veyiyaas kong bãadɛy keng bi wala gu
yirgi a SɪDA hong saa bãadɛy kong. A
lɔgtɔɔmbau dãe mang mang yoro ʋ dɛy ʋ a
Ayerve hɛngsã hẽ ɪ mani ba pɔtɛ.

- U hɛmma ʋ yom a Ayerve hɛng bu fɪram kalle
dɔm kun ba panɛ ke ba fɪrɪ kong la ʋ fitɪ hĩ fɛndɛ
kãma a feeley kong duru. ɪ hãngsɪra a kulɔ kong
gu wol la a Veyiyaas kong, la, ning, a kulɔ nangu
dɛysɪra gu wol la bãadɛy sɔrhɪ. A Ayerve sɛufi
nahĩ ba zãnge gu yom a bɔru, ɪ ba dɛysɪra ɪ wol
kun ɪ da hɛmmɛ ɪ wol kãna la lɛ a Veyiyaas kong
bãadɛy bi dara a pãnga gu dagsɪ. Nangkãna ʋ
dɛy ʋ hãngsɪ a fo ala yãa ke dɛ sɔm fɛndɛ ba
hɛya?

(Hõngu na a walıma hun defv hēng a fuba beng nə ba gel hĩ. Wuletəm na domba la hĩ.)

- A fo ala v bong bāadey kāngəsē gu yāng də ba zaa də kō, a walı kong yeyəra v bunde halı hāna hāna. Bin-yeyəla nangsə yāŋa a monsamu bunde kong yoro. U hēmma v sirsı monsam nangsə v bunde kong nə nboo kun v kammv a bundure v sirsı gu hem maa v sam a bundure v sirsı gu zigam.

A Dəfre tute kong yoro, a fuba wəłoma la a Dəfre ba wollumii walı. Zezi gulle kun bene wē a dāyəne kun dəba ba bāŋe də ba kv kong də kəusu də bo : «Baaba, ase la n kēmətu n dugv mə?» A fuba wəłomaa la a Dəfre maa la fuba sərba ba sirsı ba binsomey. A Dəfre dəyla də yirgi a buna hēng la də hibu hĩ la a bəəni la bundəndəmii.

- Kāng dōm durv kun v gumbe, nboo v bəəni kong, a bin-huruga gu nə, a kāng kun tofu la. Gu kə belle ni, a sōone la bellı tuko, v buna hēng yeyı halı kesem. U kə durv a bunde yoro walıma hēn magtı la, la, v ba dəy v kō hĩ. U dəyse v wəłom a

somey kun wē v bunde yoro nangu wali, v
deysira v song kun hōrōmsu hū gu dugu hū kong
ke ning la gu, la, le kāna v deysəra v fēfu v feefu.

- U bene yao a fuba binma ni ba sōm bellı yeo, v
hēm̄ma v hāngsı ba wōlōm ba bin-somey kong, ba
bin-huruga la ba bin-yeyəla wali ba hōngu hū. U
hēm̄ma v sebu kun ba zōmmu ba bo v nə kong
dōmnam la ka v gırı ba gıru wali kāma yoro. U
hēm̄ma v song ba kun ba wē kong kāna la v yobo
hāna la ba.
- U dəyla v posu la ba la kāng əs ı ba b ı ına la ba
ba w ɔ l ɔ m la a Dəfre ba bin-somey kong, ba
fōnnii la ba bin-yeyəla duru wali. Ba ba dəyəŋa ba
posu a Dəfre, vko dəyla v posu ba nə.

A teyaatr bīiŋa la a lelam.

A fuba binma mentu domba kāng dōm yoro homəna
ba wōfu a lelamfi kun ba bakrı gu magtı wali
kāma. l mang mang bakı a bin-yeyəla sōɔne nə. Bakı
na a lelam kun Kande da dəy lel la kun hōngru a

Sida kong kun bene la walɔ dɔm də dāani fuba beng ni. Lel na gu la na fuba beng bun-yeɣəla lelam hilfi.

Kāng dɔm kun a Dɔfre tɛtɛ kong bollu

Karam na Liik tɛtɛ kong gu sapɪtr fi kong tike, gu versema 25 gu yao 37 Samari halmi kong bɔrɔ hānang hong walɔ.

1. A sɛrɔ kun Zezi sɛbɛ kong yoro, a Dɔfre nə sende k ɔr ɔ hong, də la Levi dugo fo hong durɔ a yomde yɪka nə sāmma la ba. Ba bolləə ke ba yomməə a Dɔfre hāna hāna. Kɔgulle ba hānda bakra kun a bɔrɔ nangu bollu ? Ase nə ba bakrɪ lɛ maa ba ba bakra lɛ ?
2. Ase la yīe Samari halmii bɔrɔ hong kun də na a bɔrɔ ala a bɔrɔ gullɪrəbə gulle ba pōm hong saa ? Ase də bakke də hāngəsɪ də?
3. Kande sɛbrɛ kong yoro, nangkana Zezi bɔrɔ kong sāmma bakke Kande la də daani sāmma ? Samari bɔrɔ hong kana bii a yomde kong yɪkanə sāmma? Hōngu na na yorobam kongu gel.

**Karam na Matie tute kong Sapitr 8 verse 1 gu
yao ɪ 4 A bɔɔ ala a kulɔ wɔfu hong saa sɛbre**

Halɪ Moyiiz sɔɔne kong, a Zuɪfma beng da hɛsra ba
gulle la a kulɔ bɔadey sɔmma beng, kun ba fɔnnu ka
ba be zala ba ba bɔadey kong. Ba da hɔmandaa ke a
kulɔ kong sɔmma da ba magte a Dɔfre yeo ni. Fo
kɔa da ba bong dɔ harɪ a kulɔ saa hɔnde, gu
ba wolɔma dɔ hɔngsam.

1. Nangkana Zezi da wɛ / bakɪ la fuba bɪnma a
kulɔ kong da wɔfu sɔmma ba fuba domba dugu ba
beng?

2. A fuba beng se la yɛ Zezi, nakɔ nɔ nangkana
la gu?

3. Nangkana Kande tikenɪ sɔmma beng bakɛ dɔ
dɔani fuba beng? Kɔgulle ba bakɪ zaka nangsa
fuba beng nboo Zezi kun da bakɪ a kulɔ sɔmma
beng bii nbolla Zuɪfma sɔrba beng da bakɪ ba, gu
sɔɔne kong? Hɔngu na na yorobam kong furo.

4. Ye na kǎng dōm kun na dɛy na bakɪ na hǎngsɪ a fuba bɪnma a sɪda kong wǒfu sǎmma. Hǒngu na na yorobam kong furo.

Karam na a Lelamfi tɛtɛ kong yoro, gu 88 kong.

A komsi lelam

1. Ase a lelam kongsa saa wǒfu gu yǎng a fo ala a Sɪda kong bǎadɛy wǒfu saa?
2. Kɔgulle Zezi bɔrvu kong fuba bɛng dɛyla ba hǒngu a Dɔfre nə ba bɪn-yeyəla, ba bɪn-somey la ba bɪn-hurga ? Nangkana na yǎa gu.
3. Nangkana a lelam kong lello yǔ-gǎnəu kong kɪrɛtɛ dəkɔ la a Dɔfre la dəkɔ la fuba sɔrba bɛng tufu-dombre.
4. Ase la pa a lelam kong lello kun ni gu gupti duru a hiku lɛɛɛ?

Posu la yǐngsɪ bakɪ kǎng

Toru na la dombə kǎng dōm duru kun na sɛbɛ na gel sɛbam nangsɪ yoro kong. Kɔgulle a kɪrɛtamfi la wɛ na bong na bakɪ kun na sɛbɛ sɛbam nangsɪ yoro gulle bii? Mɛntɪ na na posu domba nə.

Sebam hĩindigu

A zıgamfı kun wuletəmu domba la

1. A fubabu bınma na wē la bəng tullē, a Sıda kong
kue a sām̄ma, ase la darı a bu benge ?
2. Ase kēna hĩi bəng bake gu tı a hāngsam a zaka
sām̄ma nə ?
3. Nangkāna a Sıda kong yīe Kande sa hong.
Nangkāna a Sıda kong da Kande yā hong ?
Nangkāna a bāadey kong dey gu yīe a bīiŋə keng?
4. Nako hōmni ni, Kande la də yā hong kun bəne gel
nangkāna a Sıda kong zalade a yā hong, ase g u
bak ε ba hĩi b eng? Ase la da tuko buna ni?
5. Kogulle a logtombau dāy hun we na tullē, ba
kekiri a yām ba latı a Veyiyaas kong bāadey bi
wōfu a sēufı kun wollu la Veyiyaas kong? Ba wōfu
a sēufı kun gullrı ka a kēna forfı sām̄ma bəng be
zala ba bu hēng a Veyiyaas kong?
6. Ko gulle na tullē kong, a fo la wē ala dey di sebu
fuba sərba bəng a fuba bınma a Sıda kong bāadey

wōfu samma hōŋne, kāng kā ba da ba? Hōngu-na
na legetam kong furo, kun la.

A hāuma kun hēmmu la gelam

Nangkāna a Veyiyaas yīeeni a fo?

*(Zigi na zigam nangsā a fuba beng duru nā. Binma
tuko sebam kong ni ba sebee waluma hin wē sēne sēne
yere sāmma hēng ga dōm, dagsi na gu.*

- Yao labu la a fo ala a Veyiyaas kong wōfu la bōru
kun kē a fuba mane ba yommu ba dari a bāadey
kong.
- A bīiŋa deyla ga da a bāadey kong ga yā fōru ni,
ga hulam kong sōone maa ga bene yōgfu ga yā ala
a Veyiyaas kong wōfu hong.
- A fo ala a Veyiyaas kong wōfu yām daa n kulō
yoro gu zu. N boo a fo songe ala a Veyiyaas kong
wōfu yām dā kulō yoro.

Nangkāna a fo dɛy dɛ gel yalla a Veyiyaas kong bāadɛy wōfaa di?

(Zigi na zigam nangsɔ a fuba bɛng binma mɛnti bɛng nɔ. Namba ba naa walima hun wē sēnɛ sēnɛ hēng ga dōm maana na dagsi gv.)

- Bɔru dōm taa kun wē na dɛy na gel yalla a Veyiyaas kong wōfaa na, na yao a lɔgtɔɔ dāng ni ba yao keki na yām kong ba ye lɛɛɛ. A fo ala a Veyiyaas kong wōfu kulɔ kong hemfi dugo duru yoro, a bāadɛy kong bu tufo : ke a yām kong yoro la, dɛ bɛnni kong hem ni la, wala dɛ kēyay kongo hemfi ni la, ɪ la a yullam hem yoro. A lɔgtɔɔ dāng ni, ba kekiraa na yām kong ba lartɔ a bāadɛy kong bu ze.
- A fo ba dɛy dɪ tuko lɛ dɛ ye dɛ dono dɛ maga nɛng dɛ gel ke dɛ dufɛ hong wōfa a Veyiyaas kong bāadɛy bi. A kurom ni, a fo ala a Veyiyaas nangu wōfu wāna nboo kāngkāa n go dɛ; kāng kun hōngru ke dɛ ba kāngəna kāma n go. A fo nandɪ dɛyla dɛ kāŋa, a zena zena, la a bāadɛy

kong kun lɛ də kong duru. La, gukɔ sɔɔnɛ duru,
də dəyla də lɪ fuba sɔɔba nə a bāadɛy kong. A
fuba pɔtu bɪnma a Veyiyaas kong wɔfu, la, gu ba
tɛrɛ a Sɪda kong tike ba yā ke a Veyiyaas kong da
gu zu ba kulɔ kong yoro.

**Ase nə gu hāna haalɪ kesem a fo pa ba keki də
yām kong ba ye a Veyiyaas kong bāadɛy bi n go
gu yoro ?**

*(Menti na domba fuba kallile kalile na wuletəm domba
la zɪgam nangsɔ, la na bɛ toru kun na da ɪ ni la domba
na duru mɛntɛɛ. A fuba bɛng ba naa walɪ dɔm hɪn wɛ
sɛnɛ sɛnɛ hɛng yoro ga dɔm, dagsɪ na gu.)*

- A Veyiyaas kong ba yĩɛɛ na, na dəyla na fee kun
gu ba yĩɛna na kǎna.
- Na labɛɛ la a kɛv maa a kɛv la na la labu la a
bɔɔɔ, ke na zueɛ a tɔy maa na ba zue, pa na ba
keki na yām kong ba ye a bāadɛy kong bi n go ze.
Ka na bɛ lɪ fuba sɔɔba nə a Veyiyaas kong bāadɛy!
Na zue a tɔy, dɛbu na domba na yao pa ba keki

na yāmfi hēng ba ye. Ka na be li na bara maa na
kēv nə a bāadey kong.

- Gu tige ke na magala a tɔy zuəm, pa na ba keki
na yām kong ba ye la yao na hōngu domba nə la
na tengsi na dōy a tɔy kong. Ka na be zāng a
Veyiyaas kong bāadey bi na hebu na tɔy kong
yoro kun na ba gele nə.
- A fonɛtɛɛ na də mɛntɪ la na, ka na be li na ba
pane ba keki na yām ba ye. Mēntam kāna domba
deyla ɪ be la a kāsam buuleni a kēyāy kong maa a
bennu kong tōnɔng dɔba gu huysu a Veyiyaas
kong zuəm na kulɔ kong yoro.
- Na naa ke a Veyiyaas kong bāadey yīe na, na
deyla na hōɲɔ na gulle la duɔfi hāniyā, la na
fōɲɔtru gu yisiri, la na namatru na kulɔfi hēng la
na kāngsɪrɪ na gulle na zāngɪ a āntiretroviro sēɔfi
hēng gu yommu a bɔru la na yobolu ka na be sol
a bāadey. Na deyila nbolla, na hoy a pēn-dāng kun
du a sēv yoro kun tiki ka a hem kong be yīe na.
- Gu tige ke a kēv ala fɔrfu la na, na hēmma na pa
ba keki na yām kong ba ye a bāadey kong n go ze

ka na be li na bīiŋa keng nə a Veyiyaas kong
bāadey kong. Zāngri na a āntiretroviro hēng sēvfi
hun dey ɪ daga a bīiŋa keng la a Veyiyaas kong.

- Na yāaŋaa ke a kēv la a bɔɔ mēntam kong
bāadey dōm nbolla a sompiis kong la wōfu na, na
hēmma na neŋetɪ na pa ba keki na yām kong ba
ye saba, gu dey la hāna hāna ke a Veyiyaas kong
bāadey bi wāna na kulɔ kong yoro.

**Ase la pa a fuba beng fōnna ba bo fuba sɔɔba
beng nə ke a Veyiyaas kong maa a Sɪda kong
la wōfu ba?**

*(Zɪgi na zɪgam nāŋsa a fuba beng durv nə. La baa
sɛbɛɛ walɪma hun wē sēne sēne hēng walɪ maa na dagsɪ
gu.)*

- Ba fōnna ka fuba sɔɔba beng be kirgi ba. Ba fōnna
ka fuba sɔɔba beng be giri ba.
- Ba fōnna ka ba be gɔm ba ba sɪrsɪ ba toma kong
tike ni.
- Ase la hēmmu gu kɪretɪ na fuba beng tullɛ, la ase
la hāngsɪɪ a Veyiyaas kong bāadey kong kun

wōfu sām̐ma beng ba deysı ba sebu ba yēm̐ba nə
ke a Veyiyaas kong maa a Sıda kong bāadey la
wōfu ba?

*(Zıgı na zıgam nangsı a fuba beng duru nə. La ba ba
na walıma hēn wē sēne sēne yere hēng ga dōm, maa na
dagsı gv.)*

Gu tıkuṇla a zōre bınma a Veyiyaas kong bāadey
wōfu sām̐ma nə ba bo fuba sōrba beng nə ke a
bāadey kong wōfaa ba :

- Fo kām̐a maana n yāa nāngkāna a Veyiyaas kong
yīeeni maa gv ba yīeena a fo.
- A fuba beng maana n da dey ba zemsu bınma tã
a Dōfre kun bole kong bakam ba yao da a
Veyiyaas kong, kun a Dōfre nandı zemse ba mu
kong kām̐a.
- A fuba beng maana n dey ba dōma ba la wūngoy
la ba maana a bāadey kong sām̐ma da deyla
ba mentı domba fuba kallıle kallıle ba toru ba
yūgānəu la domba.

A teyaatri la a lelam

1. Kun farı ba kuru a sebam kong, a hõngrɔ hong panda fuba hĩi sırtı a fuba beng tullɛ ba bakı a hõnɛ kun hõngru a kɛv kun sebru dɛ bara nɛ ke a Veyiyaas kong la wõfu dɛ. A bara hong bındɛ yẽngsı la a walı kong dɛ bollu a kɛv hong nɛ a zaabı.
2. Gu kɔ belle ni, a hõngrɔ hong zıgra a fuba beng nɛ : Ase a bara hong da dɛy dɛ bo la ase dɛ da dɛy dɛ bakı kun bɔv kun dɛ bake kong?
3. Fuba hĩi bunma da sırtı ba domba beng tullɛ ba bakı a hõnɛ kong gɔra ba sırtı ba bakı gu. Ba domba beng dɛyla ba tı ba neya a hõnɛ nangu yoro. A fo ba songe kun a bara hong bake kong, dɛ zãsɛra dɛ wõndɛ. A hõngrɔ hong pa ba hutı a hõnɛ kong la a fo dõm ala zãsı dɛ wõndɛ hong zu a hõnɛ kong ni dɛ zãng a bara hong tike dɛ hɔñ a hõnɛ kong.
4. A teyaatr nangu bakraa sa la a bara feleng hong hãngsimamfi hẽnge. A fo daa a hõmɛni feleng kun bɔv lɛ, dɛ panda ba hutı a hõnɛ kong dɛkɔ zu a hõnɛ nangu ni dɛ zãng a bara hong tike.

5. A hōngrɔ hong zıgra : Wala yabre /bakam
ndeengu ndeenəhĩ la hāngsı la, ndeenəhĩ la ba
hāngse hāna hāna?

Kun a Dɔfr ɛ tɪtɛ kong bollu

**Karam na A Dɔfre nene wɔgɔfti hĩindigu tɪtɛ kong
yoro Sapitr 22 verse 22 gu yao 24, la Zã tɪtɛ
kong sapitre 8 : 1 gu ya 11 kun yoro ba wɔlɔmu
a hem-sıram walı hēng.**

Zezi be a dūniyã dɔba yere kun hibтуру a Dɔfre
nene wɔgɔfti kun wẽ A Pote kãabamfti hēnge yoro. A
versefi hun wẽ A Dɔfre nene wɔgɔfti tɪtɛ hĩindigu
kong yoro hōnggra hũ kun a Dɔfre kɪtɪ a huləm la a
kēu wala a bɔrɔ neŋetɪ n mentɪ la. Kāng nangsa
hāngsəra hũ u dɔmɔ a versefi hun wẽ a tɪtɛ kun Zã
wārgɛ kong yoro biife.

1. Nangkāna Zezi yorobe a Dɔfre nene wɔgɔfti hēnge
yēɛley sām̐ma benge nə kun ba yĩe a kēu hong ba
dege də a huləm la ba bo ke də hēm̐ma la ba duku
də la a geŋə ba ku kong?

2. Zezi bo a kēv hong nə ke də ba zıgıra hu a **gırv** ni. La, ase də bole də nə gu tıgεε la a Dɔfre nene kong tãam walı?
3. A sebre nangu yoro a bɔrɔ la tuko ala dõm mu tã a Dɔfr ε nene la ba ba yĩee də ba be la Zezi yika ni. Kɔ gulle, də mu tã a Dɔfre nene bii ? Na mu hõmni ni, ase la pa ba ba kɔte də gırv?
4. Yıka ndeengu ni nakɔ maa a fuba bınma na wẽ la beng yãng Fariizi bɔrv beng sãmma la a fuba bınma a Sıda kong bãadey kong wõfu benge?

**Karam na Efεez sãmma nə tute kong Sapitr 4
verse 17-25 gu la gu Sapitr 5 verse 3-13 yoro A
hamyelle yoro fuba**

1. Ase Zezi bɔrv kong sãmma da hẽmmu ba bakı gu tıgεε la a feeley yoro manau hun tãni a Dɔfre nene wɔgɔfi tute kong ? (4 :22)
2. Ase nə v hẽmmu v bollu domba nə a yãv? (4 :25)
3. A Dɔfre benεε pa a hãuma hun v hubɔlv hẽnge pugotu, ase la bakrı? (5 :12-14)

**Karam na Efɛɛz sãmma nə tute kong Sapitre 5 gu
verse 21-28 A bara la də kɛv tulle kun dɔyɛ kãna**

A bara la də kɛv hɛmma ba bongsu domba la ba
song domba nə.

1. Yika ndeengu ni a tɔy yãŋ Zezi kun yele də dãŋ
kong yɛmba kong?
2. Ase Krist bakɪ də dãŋ kong yɛmba nə? Ase a
barma bɛŋɛ hɛmmu ba bakɪ ba kɛna bɛŋ nə ?
3. A bɔɔ boŋəə də kɛv, kɔgille də dey də gɛn nandɪ
feeley bii ? Wuletəm-na domba.
4. Kɔgille Kande sa hong da boŋəə də kɛv nboo Krist
kun bong də dãŋ kong yɛmba ? Wuletəm-na
domba.

Posu la yɛŋsi-n-bakɪ kãŋ.

Prier et agir

Toru-na a domba kãŋ dɔm kun na da na sɛbu
s ɛbam nãŋsa yoro kong. A kɪɛtemamfi wɛ kun na
zɔmmu na bakɪ na feeley kong yoro kun na sɛbe

sebam nāngsa yoro bii? Mentı-na domba na posu
domba nə.

Sebam tāandəgu

**A zıgamfı kun darı gu wuletəm
domba la.**

1. Kande sām̄ma bēng sōm belle ni ase la da bakrı
Kande, də yīm̄de b̄r̄ɔbi la də yīm̄əu kena bu
benge a f̄nn̄e?
2. Nak̄o dāani fuba bēng tulle, a hulluba, a sa la a yā
s̄b̄e, nangkāna ba bakrı la ba hāngsı a werebu
ba f̄fu ba karamv? Ase ba dey ba bakı?
3. Nak̄o dāani fuba bēng tulle, a k̄̄v s̄b̄e də d̄vgu də
bi, nangkāna ba veti a bi kenge?
4. Nak̄o dāani fuba bēng tulle, k̄̄gulle a b̄rfı wānaa
kun dey gu yom gu hāngsı a werebu ba h̄̄ɔ ba sa
tike, ba zaka, la ba daam durv ba sām̄ma bēng
sōm belle ni? K̄̄gulle nak̄o D̄fre dāng kong yoro,
a fo la w̄̄e də dey də hāngsı a fuba ba wārgı a
s̄br̄o nene w̄̄ɔḡo kaseti tıra kun a girv ḡt̄ba yāa
kēma? H̄̄ngu na na yorobam kong furo.

5. Nakɔ dāani fuba beng tolle, kɔgulle ba hōngura ba sebru a fuba binma naa n ba zue tɔy beng nə yīe-n-gulle n daga a tɔy zuəm la tengsi ba gel a bɔɔ maa a kēu kong yōodu? Gu ba tigeɛ le, nakɔ hāmanda ke a fo la hēmmu də sebu feeley nangsa?
6. Nakɔ dāani fuba beng tolle, fuba mang mang deyla ba pa a kena bu la a benna bu beng nə a pāo kun tiki la ba da ba menti la ba. Nangkana na sekeli a beliə bɔɔma namba ba yobo ba gulle la a fuba le kāna?

A hāuma kun hēmmu la a gelam

1. Nangkāna u dey gilli ka a Veyiyaas kong be yom a kēu la a bɔɔ mentam kong gu langi.

**Ase hāngsam a beliã borma beng darı ba daglɛ
ba tɔy la ba tengsı ba menti la a kēv maa a bɔrv.**

*(Zıgı na a zıgam kong a fuba beng durv nə. A fuba
namba ba na a walıma hun dəfv hēng tolle walı dōm
maa na dagsı gv..)*

- Ba fefə a feeley kun magtı la a Dɔfre tute kong kun
hōngrv. Lɛ kāna, ba dara a menti dombre la ba
tufudono kun a tɔy pandı, fo kāma a tɔy nangu
yoro kun fo kāma bole ke də zaa də bɔrsu də
dono hong la də tuko la dəkɔ sɔy lɛ.
- Ba dəyla ba kāngs ı ba gille a feeley kong walıma
sɔrhı n boo karōngu, a kulɔ kāney hɔnɛ maa a
senii walı dugo dugo.
- Ba dəyla lɛ kāna ba kō a Veyiyaas kong maa
bāadɛy sɔrhı kun yīeni a fuba a bɔrv la a kēv
menti domba kong yoro.
- Ba kōna hul a bi n ba zue a tɔy.

**A beliã beng mente la domba ba bündɛ ba dɔnda
la kun ba bakɛ kong, ase ba dəy ba bakı?**

(Wuletəm na domba la zigam nangsā kun na bene toru na fuba beng, na toru la domba a yorodam hēng na duru bene menti. La a fuba beng ba naa a walima hin defu hēng tulle ni ga dōm maa ba dagsi gu. Yobo na yere : Baki na :« U yao te a hem kesere tulle kūnne kun dōye v tulle v dagali kong.» hōne kun wē a tite kong kendingam ni kong.

- Ba deyla ba yīe sa ke ba ba gōra ba labu la a kēu maa a bōro gu baa zue a tōy.
- Ba deyla ba baki a follare nene ba dagsiri domba benni a hōmni la kun ba seble kong ke ba hōjofa ba gulle halu gu yao te ba tōy fende kong.
- Ba deyla ba hēsi ba gulle la a hēnam yōam kesem la a taba gu dagsi a sēufi kānna hēnge. Hānda, gu kānəna a fo nə də deysi də yīe a hōmni hānang la walima hin hēmmu la a bakam maa ba hēmma la a bakam, də wēəna a hānam bōru maa gu tige ke a taba maa a sēufi kānna hēnge la dēnni də.
- Ba deyla ba yao pa ba keki ba yām kong ba ya oye a Veyiyaas kong la bāadey sōrhi kun a fuba daru ba la domba m entam kong yoro.

- Bãadey hēnsa ɪ dōm yīe ba, ba dēyla ba da tɪpɛlam.

Na zuu a tɔy la dombə la na bɛ kōndu ke na hī beng tulle, fo dōm la wōfu a Veyiyaas kong, ase na dɛy na bakɪ?

(Wuletəm na domba la zigam nangsə na benɛɛ toru gurup gurup, na wārgɪ a yorobamfi hēng a tɪtɛ fɔfrɛ dɔba, na hōŋɔ na yao tori na duru benɛɛ mɛntɪ. A fuba beng ba na sēnɛ yere walɪma hēng ga dōm maa na dagsɪ gv.)

- A zaka nangu sāmma dēyla ba pusɪ ba fɔrfɪ la domba ba sɛbu domba nə ba zɔngrefɪ.
 - Fo dōm ba yablɛ la a yāo la də dono, də hēmma də song də bo ke də zɔngu.
 - A tufu dombə bɛng hēmma ba gɔ ba pa domba nə ba wɔgɔ ke ba zɔɔ ba tuko la domba a yāo yoro.
- Gukɔni a tufu dombə bɛng mɛntɪ dombre kong walɪ kɪrɛtra a kǎŋəna.

- Ba dəyla ba fēfu ba labu / mēnturı la domba nbolla fēnde kãa kãna. La, lē kãna dəyla gu bē la də dōm hong Veyiyaas kong liam la dōmni ba bi ala ba bellı da hong mu liam. Ba hīi bēng sōm yēñəne, ba beliə bēng tıka a werebu. Kə gulle, ba bakēē lē, də dono hong genetrı gu ni?
- Ba dəyla ba ba gəē ba mēntı la domba gəonı. Ning panda ala a Veyiyaas kong ba wōfa saa kō a bāadey kong fas. Nandı deysəra də bē ye ba beliə bēng walı. La, tufu dombə mang mang la wē ba ni ke gu tıka ba nə a kãñəna ba mēng ba yaba a yāo yoro la dombə gu tıgē ke ba ba dəy ba gə ba mēntı la dombə.
- A tufu domba bēng dəyla ba harangrı domba kun yoro fo kãma darı a dōnduməə la ka gu bē bē la a Veyiyaas kong zaladam. Gu tıgēē ke ba hīi duru la wōfu gu, ba bakēē lē, gu panda ka bāadey nangu bi pānga bē dagsı.
- Ba dəyla ba tıkı a kapot kong kãng kãa sōone ba bēne mēnturı la domba. Ba hēm̄ma ba sēbu la ba gel nangkãna ba tıkı gu. A manafı hun ba

wõfu ba tari a bennu maa ba heburu a kēyāy
yoro hēngε ba gullura fas ka a Veyiyaas kong be
te a fo. Tengsi ba gelee ı walı kong, a bāadey
nangu zaladam bōgura halı hāna hāna.

- A fo ala a Veyiyaas kong wõfu hong hēmma də
zorom a sekɛlam kun dari a tıpelam la a Ayerve
hēng sēufi a lōgtōmba dāe hoyəfihı hēng yoro.
Də zāngreŋa a Ayerve sēufi hēngε, gu bōogra
kesem a Veyiyaas kong zaladam pānga.
- Fuba hīi beng hēmma ba menti domba ba yīe
kāng dōm kun bōu gu kē ba nə. Gu kōnə :
 - Ba hēmma ba menti ba posu kāng dōm kun ba
zōmmu ba keki kong nə. Ba hēmma ba pusv
ba fōrfi ba wuletəm dombə ba da ba dōmu
domba. A bōrō maa a kēv hong ba hēmma də
neŋetı də dono ba bongəə kāng.
 - Ba hēmma ba zorom a sekɛlō maa Zezi yēmba
beng yıka nə saa da də hāŋsi ba zāng a bōru
kun dubsəru a Dəfre segre kun bōusəru ba hīi
durv nə la ba beliə nə.

2. Nangkāna v dey v gullı ka a yā be zala də bi nə a Veyiyaas kong.

A Veyiyaas kong wōfuŋa a kēv, kōgulle də deyła də zāng a fōrv?

- A kēv ala a Veyiyaas kong wōfu hēmma də yobo ka də be zāng a fōrv, gu ba tige də yāala ke də dara a āntiretroviro sēvfi hēng kun hāngsı ka Veyiyaas kong be zala də bi keng nə.
- Də hēmma mu haytı də bi kun hullu keng walı saba, zenə kallıle belle ni, deyła də kıretı a werebi.

A Veyiyaas kong wōfuŋa a kēv, də deyła də yōŋo də bi keng?

(Zıgı na zıgam nangsı a gurup kong fuba durv nə. A fuba bēng ba wārgε walıma hun wē sēne yere hēng ga dōm, dagsı na gu.)

Boŋaa gu tı ke Veyiyaas bi a Sıda kong wōfaa a kēv, də hēmma gu durv ni, də yōŋo də bi. Kündv, gu dey a Veyiyaas kong yom a yā hong yullam gu yīe a bi nanga. A walıma kun dey gu bakı gu gullı ka a

Veyiyaas kong bɛ yīe a bi kɛng :

Gu dəyənə, a yā hong la a bi kɛng hēm̃ma ba hīi
duru ba fiti a Ayerve sēu bu hēngɛ. Lɛ panda a
Veyiyaas-kong-dəyst-gu-yom-a-yā-hong-yullam-gu-
zala-a-bi-kɛng bɔɔgu halı hāna hāna.

- Gu ba dəy ə ɲa, a yā hong h ēmma, la gu duru də
yōŋo də bi nanga. Də panda də gulle y ullam kong
teng teng pılav huru (6). Kun defu, də yēŋsıra
wete dōm lɛ də sɪrsı də a yullam kong ni la də
pandı də dıfı sɔrhĩ. La də ba hēm̃ma də kɛsɛŋɪ
də yullam kong la dıfı sɔrhĩ. A kɛsɛŋam lɛ bella
la kānamfı yōoni a bi kɛng fɔru tōnɔŋ yoro. A
Veyiyaas kong bi yommaa kānamfı hēngsa ı zu a
bi kɛng kulɔ yoro zɔrɛ zɔrɛ.
- A yā hong sɪbɛɛ maa də baala dəy də yōŋo də bi
nanga la gu kōndu ke kēu sɔrɔ la bong də yōŋo
də, ye na ka a Veyiyaas kong bɛ yīe a kēu nandı
mu.
- A fo n goŋəə kun dəy də yōŋo a bīiŋə nanga maa
na pa ga a a wōndeni belıə yullam varam kun tı la

a hem kun gol. Maana ba hõŋɔ a kuwɛɛr la
kɔppɪ hɛn sam ɪ sɪrɪ. Gu ba tɪgɛ lɛ, a saramɔɛ la
ɔɛy gu yĩɛ a bi kɛng halɪ dɔ bɛŋɛŋɪ. A yullam
varam kong n goŋɔ, ʋ ɔɛyla ʋ pullu a yullam sɔm
la a hemʋ taga kun tɛtɪ minitima sofe (20).

3. Nangkana ʋ bakɪ ka a Veyiyaas kong be yom a yām gu zala a fo nɔ.

Ase na ɔɛy na bakɪ na haga na gulle la na daga
fuba sɔrba ?

*(Wuletəm na domba la zigam nangsɔ na bɛnɛɛ toru
gurup gurup, na wārgɪ a yorobamfi hɛng a tɪtɛ fɔfrɛ
ɔɔba, na hõŋɔ na yao tori na durʋ bɛnɛɛ mɛntɪ. A fuba
bɛng ba na sɛnɛ yere walɪma hɛng ga dɔm maa na
dagsɪ gu.)*

- Ka na bɛ song ba tɪ na nɔ a yām gu ba tɪgɛ ke ba
larɪ a Veyiyaas kong bi gu yoro baa na gu.
- Gu ɔɛyɛŋa maa na pa ba hõŋɔ a serɛng maa a
samɔɛ kun ba ɔɛy gu gɔ gu gubu la ba gubu na.

- Ka na be song ba hõṇṇ a sama maa a serēng kun fuba sɔrba hõṇṇe ba gubu la ba gubu na, gaa tige ke ba taga hẽ a hem gɔl yoro maa ba saga hẽ a hem la a sēu kun ba yiti ke a zavel kun teti minitima sofe (20). Binma zāngri a a sēufi kǎnna kun gubru la a samde dōm ba pandi domba beng ba gūmbro a Veyiyaas kong domba zaladam.
- Ka na be song na hõṇṇ a sorfi kun wõfu gu pōtu ma gu kōmmu maa gu gubru, gaa tige ke ba taga hẽ a hem g ɔl yoro ma ba saga hẽ a hem la a Zavel kong minitima sofe.

A teyaatr la lelam

A fuba dugo dugo binma m entɪ domba tike, ba wõfa a lelamfi kun hõnguru ba a walɪma feləmi.

Ye na a tɔfa kuro ɪ tǎa hēng. Tulai v da genə ɪ tǎa v da v kuro a yorong ka gu be sol.

A genəde pote kong « a yē-n-gille la menti la a kēu maa a bɔrɔ ». Ka na be song na menti la fo kǎa na ba zue a tɔy.

A geŋəde hīindigu kong «yaba la a fər-pōnəmii la n tufu dono.» Na bene zu a tɔy, ka na gɔ na song na labu la fo sɔrɔ gu ba tige na kēu maa na bara. Na kēu hong maa na bara hong mu hēm̄ma də yaba la fər-pōnəmii la na.

A geŋəde tãandəgu kong «haga domba la gu». Gu tige ke a bara hong maa a kēu a Veyiyaas kong wɔfu, ba hīi duru hēm̄ma ba magti domba ba gel kun ba bakɪ la ba haga domba la a bāadɛy kong bi. Bakɪ na a lelam kun wɔlɔmu a «geŋə tãa hēng» wali.».

Kāng kun a Dɔfre tite kong bollu

Karam na a Kurəm tite sapitr 39 verse 5 gu yao 20 Hoe n hēsɪ la a zaabi kun latɪ nə.

1. Potifaar kēu hong kun maglɛ da də mēntɪ la Zozefɪ, nangkāna nandɪ homse də bakɪ?
2. Kun a kēu hong magalɛ nay kallɛ də darɪ də, ase Zozefɪ bakɛ?

3. La na mu homəni nə Zozefi wali kong hōngura hū
ase bərv kun v dəy v yomu kō a sīda kong?
4. Kogille v mēng nenge v ba yā a bərv maa a kēv
kong ba bella la v nə a yūngənəu layə? La gu
duru, v hēmma le v mēng la v fər-pōnəmii kong?
Ase nə v hēmmu maa v ba hēmma v mēng la gu ?

**Karam na A Serufi tite kong yoro Sapitr 5 verse 1
gu yao 23. A kāngsam ke fo kāa yobo də gille la
yomam.**

A Dəfre tite kong seke gu kāngsı a fubabu beng nə la
yao menti la fo sərɔ kun ba tige n tɔy fo. Ba bene tā
sekəlam nangsə, a zaabı pɔta la dəfu gu nə.

1. Ase a versefi hēng bollu a waluma hun a yomam
bellı la?
2. Ase la pa da n menti la fo sərɔ ala ba tige n tɔy fo
yāŋa a kāng dɔnda? Ase a fuba latı ba bene
mentrı la fo sərɔ nandı?
3. Ase a versefi hēng hōnguru hāngsam dōm kun a fo
wōfu də saa mənɛɛ a yāo yoro la də tɔy tufu
dono?

4. Sekelam dōm hun wē versefi nangsa hēng ba yage
sɔɔ la kun na mane na bakɪ, nangkāna na tɪkɪ a
fuba bēng dōm sebam feleng nangsa? l bene ya
magtɪ la na manav, nangkāna na bakɪ la na
kāngsi a fuba bēng la gu songam?

**Karam na 1 Timote sapɪtr 5 verse 1 gu yao 8 Kun
ba hēm̄mu ba bakɪ a kēna bēng nə.**

1. Versefi hēngsa yoro, nangkāna ba hēm̄m̄e ba bakɪ
kēv kāa zena nene dōm kun də wē kong?
2. Kun ba bakɪ ba ze kāna kong yāŋa bii gu kərɔtɔ
la kun ba bakɪ a kēna bēng la a kēnabu bēng
Kande ma fuba bēng la nakɔ fuba bēng tulle bii?
3. Hōngu na kāng dōm kun ba bakɪ a fuba bɪnma n
go a pānga n boo a sebkēna la a werebu bēng la a
kēm̄m̄ey bēng nakɔ fuba bēng tulle kun nakɔ bong
na na ke gu kɪrɛtɪ.

**Karam na a A Yēngsam tɪt̄e kong Sapɪtr 20
versefi 12 gu yao 20 Waluma Fi kun a Dɔfre bole
ke ba bakɪ.**

A Dɔfrɛ pa waluma fi nahi ke Isiray el sãmma beng yom hĩ. A tɔngam belle ni, Zezi wuleti dɔ be la hĩ la dɔ gumɔ hĩ. l hɔ̃ngura hũ kunu hẽmmu u fee kana.

1. A Dɔfrɛ nene ndeengu Kande sa hong tã ?
2. Nangkãna gu nɛ̃ɛmsɛ dɔ gulle feeley la dɔ zaka sãmma feeley?
3. A fo ala zu a tɔy yãaɲa ke a Veyiyaas kong la wɔ̃fu dɔ la dɔ kã̃ngsɪrɪ lɛ ke dɔkɔ zɔmma dɔ mɛ̃ntɪ la dɔ tufu dono hong dɔ ba tɪgɛ a kapot kong, kɔ̃gulle dɔ hɔ̃ngura a boɲey ma?

Prier et agir

Toru na la domba kã̃ng dɔ̃m kun na sɛbɛ sɛbam nangsɔ yoro na gel kong. Kun na gele kong panɛ na zɔmmu na da kɪrɛtɛmamfɪ mang mang na feeley kong yoro ? Mɛ̃ntɪ na na posu domba nɔ.

A sɛbam naandɔgu

1. Nakɔ hɔ̃mnɪfɪ nɔ, ase nɔ Kande keke a hɔ̃mnɔ dɔ bo ke dɔ bella Zezi yomde mɛ̃ntɪfɪ hɛ̃ng ni?

1. A votre avis, pourquoi Kande a-t-elle décidé d'assister aux réunions de l'église?
2. Nankana zezi yomde hã ñs ε bu bengsa ?
3. Nde Kande la də yimde bɔrɔ hong la də yiməu kēnabu beng yage fefu ?
4. Nankana nakɔ yommubə beng dəy ba pa a benney la a fuba ba songuru a bu bɪnma ngo kʊn dʊrʊ ba gēnɛtɪrɪ la bɪnma ngo yēm̃ba ba ye namba sām̃ma.
5. Sɛbrɛ kongsa yoro, Kande na kǎŋ dōm kʊn hǎna la dɪ sǎ-feeley kong. A se la hǎŋsɪ Kande dɪ bakɪ naam feleŋ kongsa ?

Hǎuma ɪ tǎa kʊn hǎna ɪ magtɪ Zezi bɔrʊ kong fuba bakɪ kʊn tɪkɪ la ba ye fuba bɪnma a Sɪda kong bǎadey wǒfʊ sām̃ma la ba bongsu ba?

(Hɔngu-na walɪma hɪn dəfʊ sēnɛ yere hēŋgɛ a fuba beng dʊrʊ nə ba dɔmɔ hē.)

1. Ye bɪnma a Sɪda kong bǎadey wǒfʊ sām̃ma beng walɪ

2. Ye a seb-kəna bəng la a werebu bəng walı. 3.

Hōngu a fuba bəng nə kʉn ba dəy ba bakı ba
kō maa ba yobo ka ba bə langı a Veyiyaas kong
bāadey bu.

**1. Ye a fuba bınma a Sıda kong bāadey kong
wōfu sām̐ma bəng walı.**

Zezi dāng kong yēm̐ba dəyla ba bakı a ekipfi la ba
sebu ba kʉn ba dəy ba yafu ba yelli a zagnəv kʉn
yoro a fo ba kängəna la a sıda kong bāadey. Ba
dəyla mu ba sebu a beliə bərma bəng ba gel kʉn gu
bakı kāna.

**Nangkāna v dəy v bakı v ye a bāadama bəng la
ba zagnəv walı :**

*(Bo-na a sebruba bəng nə ba tı ba hōmni ni walı nboo
ning: Na yao zaka dōm yoro kʉn ni a zaka hong saa
hoy la a Sıda kong sōm-bāadey. A zaka nangu yoro, a
kēv hong la, də la ba bu yōoni ı naa. Bo-na a sebruba
bəng kʉn tore domba fuba kallılə kallılə nə ke ba zāng
a tute fōfre ba wārgı gu dɔba hāvma hın dʉrv bakɔ dəy
ba bakı ba hāngsı zaka nangsə sām̐ma. Ba ba wārgɛɛ*

*hōmnıfı hın wārgı sēne sēne yere hēng ga dōm maa na
dagsı gv.)*

- Na wõfu a sɔɔnɛ kun yafu gu yelli a bãada hong la də zaka sãmma.
- Na dugu a bãada hong də wɔlɔm kãng dõm kun da də kong walɪ, na yĩe na gulle na dɔmɔ də sɛbrɛ kong hãna hãna.
- Na hãngsɪ də də da a diu kun pandɪ a kulɔ kong nə a pãnga nboo a nemmu, a yẽnɪ, a y ɪllam, a hona, a sonda, a sungkaam, a ku, a bananni, a kãmaana, a muy, a mango, a lemburuba, a anana, a tamati, a yogau hẽnge la fɛbɪ la a dammi bu sɔrɪ.
- Na hãngsɪ də də yao na a lɔgtɔrɔ ala wa də darɪ a sɛufɪ hun dɛy ɪ wol la a bãadɛyɪ kun yĩeeni də sɔɔnɛ sɔɔnɛ.
- Na hãngsɪ də də a lɔgtɔrɔ dãng yõɲa maa a kebre kong kun pandɪ a antiretroviro sɛufɪ hun gãngalɪ a Sɪda kong be-dɔɔmdɛ.
- Na hãngsɪ də də hõmni wuleti gu bongsu a feeley kong la də da a pãnga kun tĩmmu ke sã fẽfu. Lɛ kãna hãngsɛra də kulɔ kong gu wol la a bãadɛy kong.

- Na hāngsı də də məntı la fuba bınma hāngsəri la a hānsamfi laram kın tıktı ba da a sēvfi la bīn-tīney dagsam.
- Na hōngu a zaka kong sām̄ma nə nangkāna ba pandı a bāada hong a sēvfi hēng.
- Na məntı na lel la na posu la də.
- Na karam a Dəfr̄e tute kong la də.
- Na wəlm̄m kın bellı maglamfi walı, dəkw̄ a bāada hong nə, də tufu dono hong ne, la ba belıə bēng nə. A bāada hong dəyla də wārgı a tıra la də hēm̄e la də məntı a fotofi, kın ba bellı da ba hayətı də nə də bēn̄e bakı a ngoore.
- A bāada hong sōm yēṅn̄e, a ekip kong hēm̄ma ba fēfu ba yafu ba yelli a zaka kong fuba la ba hāngsəri ba. L̄e kāna dagsıra ba bēnnı la gu hāngsəra ba dəysı ba hāngsı a seb-kēv hong də la werebu bınma fēfu bēnḡe..

**Na bēn̄e pandı a fuba bınma a sıda kong
bāadey kong wōfu sām̄ma maa na haga na gulle!**

(Hõngu na hõmnifi hengsa hun dəfu hēng a fuba beng duru nə. Na wuletəm domba.)

A Veyiyaas kong bāadēy wānaa bunma a Sida kong bāadēy wōfu sāmma beng kulfi hēng hemfi yoro, kun ya kē duru, a yām kong yoro. Na benē tūpēlv ba, na hēm̄ma na kängsı ka ba yām kong be harı na kulɔ. A bāada hong dəyla də tūbsuru a yām, maa də saramde kong yoro a yām dəyla gu yommu, də vīfi hēngē dəyla ı sıtı a yām.

Na tūpēlv̄aa a fo ala a Sida kong bāadēy wōfu saa, yom-na sekelam hēngsa da na haga na gulle:

Sam-na na wāna hēng hāna hāna la a hem la a sãfãndı. Le kãna mu hagala a bāada hong, kun bāadēy sɔrhı hun dəy ı yīee də hēng kalle kun bōoge kong.

Gãn-na a bāada hong vīfi duru la a sallaja kun nakɔ maa a bāada hong wōfu. Na dəyŋa na da logtɔrɔ mana wāna wuudu maa na hebu hē na wāna na wɔl la.

- Sam-na a pēne tebruhı hēnge la sēne kong durv la a hem la a safāndı. A yām wēeŋa a pēn-tebruhı henge dɔba maana na sam hē la bogti nene totulle kun yoro na tiki a sēv kun ba yiti ke a Zavel kong a goməŋa nene. Na hen a pēni nahĩ a fire ni.

A hōne: A gēnam kongo la ndeengu ?

(Hōne nangsa hāngsəra a sebruba beng ba dɔmɔ hāna hāna a walima kun dey gv tuko kāng durv kun na zɔmmv na baki sēne sēne yere hēng yoro. A hōngrɔ hong wārgra tura tāa kun hōngrv walima hēng la ı kã ɲay (walı kāma ngo, walı kun songru a hāngsam la, la a walı kāngəna ti ke) tike kun keletı. Də karama walı kāma, a sebruba beng gondv ba yao tite dōm kun ba hāmandv ke ze la magti la kun ba karamε kong. A sebruba namba tengsi ba wuletəm domba kun fonkāa yage hutı ni.)

1. Yīee a bāada hong wōnde, harı də, maa yīee də n wɔbsv də la n gulle maa zāng n nene kong tōnɔng yɔgv n harı də yɔgv kong. *(Hēng n go walı kāma)*

2. Hōŋə samde dōm kun gubu a bāada hong tɛŋs ɪ n
ba taglɛ gu a gɔl yoro. (Kong wōfa a walɪ halɪ
kesem)
3. A yā ala a Veyiyaas kong bāadɛy wōfu kun yōŋɔfu
də bīiŋə di tɛŋsɪ di ba zāŋgra a Ayerve hēŋg (Yere
a walɪ kong magtɪ lɛ)
4. Na wōfuŋa goblefi la sala dōm na dɪrɪ la domba.
(Kong n go walɪ kāma)
5. Na mɛntɪ logtugə dōm sagfufa maa hem hubolugu
bogti dōm (Kong n go walɪ kāma)
6. Yao m ɛntɪ la a fo ala a Veyiyaas kong wōfu n
tɛŋsɪ ba tɪgɛ a kapot kong (Kong walɪ ba songra a
magalam)
7. A bōyɔfɛ kun dōm ala a Veyiyaas kong wōfu
dōmɛɛ nə. (Walɪ n go kong ni. Kāŋg dōm la wē a
bōyɔfɛ kong fɔru kong yoro kun kuru a Veyiyaas
kong).
8. N tɪgɛɛ a kapot kong n labu mɛntɪ la a fo ala a
Veyiyaas kong wōfu. (A walɪ kong magtɪ lɛ)

2. A seb-kēna bɛŋg la a were-bu bɛŋg walɪ yeo

Kāng hānang la gu gu tigeε ke Zezi bɔrv kong fuba
deyla ba hāngsɪ a seb-kēna beng la a were-bu benge
ka ba feeley be gēn.

*(Zɪgi-na a sebruba beng nə nangkāna bakɔ hāmandu ke
ba Zezi bɔrv kong yēmba beng dey ba hāngsɪ ba fuba
namba tulle ni seb-kēna la were-bu. Hōmnifi hēngsa
tulle gu wēɛŋa kun baa na, maana na dagsɪ gu.)*

- Hēme a tigrini fetihĩ a fuba kun mente domba ba
kallule kallule, kun hāngsɪ ba ba ferɪ kāng dōm.
Gu benee yāng tulai maana ba hāngsɪ ba ba dol a
toma hēng sorfi la a sorfi dugo kun darɪ gu kuru
la.
- Kēletɪ a wōnde tomə sebam tike kun yoro a belia
binma zenə dagsu beng dey ba sebu a wōnde
tomde kun hāngsɪ nboo a dāya tomə, a dāy
lebəm, la a pēnɪ hēnam.
- Ba kēletɪ a tomə neyā yōoni. Fuba kalle kun magtɪ
ɪ taa gu yaku ɪ huru dey la ba song a mani
wufurugu kun ba gɔrgura gu dagsɪ a kolle kun
darɪ gu kuru a tomde nene yōoŋa. La fuba namba

menti-n-dombre kong gɔrgura a manu hēng a zende maa zena hīi belle ni. Gu dey la gu ti a pēni hēnam tike la maa a tablift la kutuni bakam tike, maa a buuru bakam tike, maa a bombomfi bakam tike, maa a fermau feram tike maa a doofi veram tike.

- Kāngsi a were-bu beng karōng kong yika ni yabre, ba pandi ba a **buruus** mani kun hepturu ba karōng nangu walima buuleni la ba tīm ba da a karōng kong tura la a pēni bebruhī.
- Hāngsi a seb-kēna beng la a werebu beng ba da ba hola kun ba heme ba da guru gitiba beng la a hulunkōndu sāmma beng yika ni gu tige la ba sāmma beng tigeni laba zagnəu.
- Lari-na a mentundombre kɔkɔla kun wē na halmii kong yoro binma dey ba hāngsi na na wārgi a tura kun deysiri gu hāngsi a seb-kēna beng la a werebu benge.
- 3. Hōngu a fuba beng nə nangkāna ba dey ba kō a Veyiyaas kong bāadey bi la nangkāna ba dey ba yobo ka ba be pa gu langi.

- Tīi-na a fuba beng m entu dīmba hēng sōone le na hōngu fuba sārba nā kun nakɔ gille beng sebe. Hōṅɔ-na a Kēu-bi Kande sebre kong tira ēng na sebu a fuba benge. Tite nangsā kendigam ni, na nana tira sārhi un wɔlɔmu a Veyiyaas kong la a Sida kong walɪ.

A teyaatri la a lelam

Sketch et chant

1. *A hōngrɔ hong fata kun dā kutu a seabam kongo dā pa fuba hīi a gurup kong yoro be hōnu a hōne bi kun hōnguru Zezi bɔru kong fo dōm kun yaku ye a fo ala a Sida kong bāadey hānda doble. Ala be a bāada hong yeo hong ba gele a walɪ kong hāngsam la dā wɔlɔm a bāada nandi nā a wɔɔ kāna.*
2. A hōngrɔ hong zɪgra : Ase dā da dey dā bo maa dā bakɪ kun bɔu kun dā bakke kong?
3. Bɪnma da hōna hōne kong taare beng gɔra ba hōnu gu. A s ebruba benge deyila ba hebu ba neya a hōne kong ni sa. A fo ba songee kun Zezi bɔru kong fo hong bollu maa dā bakri kong, dā zāsira

də wōndε. A hōngrɔ hong panda ba hitı a hōnε kong, la fo dōm ala zāsı də wōndε hong zuro a hōnε kong nə də song Krist bɔrv kong fo hong tike.

4. A teyaatr kong mēngəna gu bakrı la Zezi bɔrv kong fo feleng ala zu hong. A fo benε da a hōmni kun bɔv a bakam lε, ba hitıra a hōnε kong ba pa Zezi bɔrv kong fo hong sırv də dono zu a hōnε kong ni.

5. A hōngrɔ hong zıgıra: la hōmni ndeenəhı a walı kong darı a hāngsam la, la ndeenəhı gu ba dara a hāngsam?

Kāng kun a Dɔfrε tıtε kong bollu.

Karam-na a Pote tıtε Korēntı sāmma bεng nə Sapitr 15 verse 35-44, verse 50, 53-55 A sōm fegetam walı a Krist hong yoro.

Polli, a fo ala ba tōngε hong wɔlɔma la bınma hāma Zezi-Krist bεng nə. Də hōnggra ba a sōm fegetəm kong bellı tı kāna.

1. Zıgam ndeenəhĩ la kun ba zıge verse 35 yoro hēnge ?
2. Versefi 36-38, ase Polli zānge a dūniya kong doba yere də hōngu ke gu yāṇa ala song Zezi kulɔ kong də saa bənɛɛ fegeti də dugu a sōm fēnde?
3. Gu tıge la versefi 42-44 hēnge, sebu na kun v sēne doba yere kulɔ kong wē kāna la na zāng gu na maga la kun a kulɔ kun v fegetri la kong tıki kāna.
4. Sebu- na nangkāna versefi hēngsa dəy ı be la a bunde harangam, la a bunde bəəni la a hāmnam la sã tıka a hamnam sã tıka a hānang Kande la də zaka kong fuba nə maa nako fuba bəng tulle fo.

**Karam-na a Dɔfrɛ nene wɔɔɔ tongɛsirugu
hĩindigu 10 versse 17 -21 : A fuba bunma nə a
feeley kong kamfu walı yeo**

Kun farı Zezi a Masıya hong bẽv, a Ebre dugo bẽng
tulɛ, a feeley kong da kãng əna a seb-kẽna nə, a
were-bu bẽng nə, ba la a balba bẽng nə.

1. Versefi mangmang hõngvra ke a Dɔfrɛ ba zɔɔtura
a fuba dɔ bakı ba nə a hãnay. Kɔgulle a walıma
la wẽ na fuba bẽng tulɛ kun kẽesırı bunma wẽ a
yu ni la ba kammu bunma n go a pãnga bẽng bii?
2. Gu tıge ɛ la versefi hẽngsa, ase a Dɔfrɛ bakrı a
seb-kena bẽng nə, a were-bu bẽnge nə la a balba
bẽnge nə?

**Karam-na Zakkı tıte kong yoro sapitr 1 :27,
sapitr 2 :14-24 A Dɔfrɛ yomam gulle gulle kun
wɔllv a tomə.**

1. A Dɔfrɛ yomde a bɔrv kun a fuba yommu ba
dubsuru a Dɔfrɛ la gu. Gu tıge la Zakkı tıte kong
yoro gu Sapitr 1 verse 27, nangkãna v hẽmmu v
hõngu ke v dubsuro a Dɔfrɛ?

2. Tı-na Zezi bɔrv kong fuba bɛng bɪnma wẽ na tullɛ
bɛng na hõmni ni. Nangkāna ı fuba namba
hāngsıɾı a were-bu bɛng la a seb-kēna bɛngɛ?
3. Ase furo ni ba gelli ke a fo hānda yomma a
Dɔfrɛ ?
4. A fuba pɔtv kun a Sıda kong bāadey wõfv hẽmma
ba da hāvma pɔtv kun darı gu fee la nboo a dı v
la a pẽnı. Gu kōndɛ ke v yomməə a Dɔfrɛ, ase v
bakrı fuba hēngsa bɛng nə?

Karam-ma Ezayi Tıte kong gu Sapitr 58 versefi 6-12 : A Dɔfrɛ bongəə a fo ala bakrı kun magtı.

Versefi nangsāmma hōngvura hũ ke a Dɔfrɛ zɔmma
ke Də yẽmba bɛng wol la a feeley kun ba magtɛ.

1. Ase a Dɔfrɛ bollu ke v dəyla v bakkı bɪnma nə a
feeley kame
2. Ase a Dɔfrɛ bole ke Də bakra bɪnma hāngsıɾı
bɪnma nə a feeley nangu kame bɛngɛ nə?
3. Kɔ gulle Kande sa-beliŋa hong yom kun versefi
hēngsa hōngrv ke ba bakkı kong ? Hōngv-na
yorobam kongv gel gu furo.

4. Nangkāna Zezi bōrv kong fuba dēy ba yoro a
waluma pōtv kun a Sida kong bāadēy kong bellu
la a fuba bu beng yoro?

Posu la yēngsɩ-n-bakɩ-kāng.

Toru-na la domba kāng dōm kun na s ɛbɛ s ɛbam
nangsa yoro kong. A kɩrɛtemamfi wē kun na hēm̄mu
na kɩrɛtɩ na feeley henge yoro kāng dōm kun na sɛbɛ
kong bɛnɛ la bii? Toru-na hē la domba. Mɛntu-na na
posu domba nɔ.

Sebam nomandəgu

Questions à discuter

1. Ase Kande də la də yīm̄de bōrvbi keng la də
yīm̄əu kēna-bu beng bakɛ kun hōnguru a Dɔfrɛ
dāng fuba bunma hāngsɩ ba beng ke ba yāa ba dēe
warga posam ?
2. Na mu hōm̄ni ni, ase ne gu hēm̄mu ke a fuba beng
m ɛntɩ da ba gel kun a Sida kong ne kāng dōm ?

3. Na mu hōmni ni, ase la pa Kande la Azaani bakki kun ba dɛy duru ba yiri ba follɔba beng ba bɛ a sɛbam?
4. Na bɛnɛ sɛbu a hōnguruba ba gel, zenə ndeengu nene sām̃ma la hēm̃mu ba farɪ ba da sɛbam kong ?
5. Ase furo nə wuleti a Sida kong wali tira buuleni hēng na dugo kong wɔgɔ kong yoro kāng hānang la gu?

A waluma hun hēm̃mu la sɛbu n gel

Ase nə la kɪrɛtɪ kun v feefu kāna a zɔrɛ dɔ ?

(Hōngu na a fuba beng duru nə a waluma hun dɛfu hēng ba gel hĩ la na wuletəm domba. Yobo na yere: Baki na: «A gillamfi lurgə.» kun wẽ a tɪtɛ kong kɛndɪgam ni kong.)

- A Dɔfrɛ baki hũ ke v fe zuəm dōm yoro la n baa ga dōm ba magtɛ fasi. l duru kāma wōfa a hāuma hāniyā la a zaabɪ ɪ yoro. U zuəm kong la pandɪ v hāmandu kun v hāmandu kāna kong la gu la pa v fefu kun v fefu kāna kong. Guɔkɔ la pa v hēm̃mu v

zorom a Dɔfre dɛ kɪrɛtɪ v zuəm nangu nboo kun v
zoromu dɛ ke dɛ kɪrɛtɪ a fobi.

- Kun v fefu kãna kong yãŋa a fɛkv wãna. Kãng
dõm kun v hãmandv kong wẽ nboo gu kuro
hẽnge. Kɔ, kãngsɪ n kɪrɛtɪ kun v fefu kãna kong
wanaa nboo v kuturuŋa a fɛkv wãna teng teng lɛ.
A kuro kōoyã hẽng mengəna lɛ ɪ pandɪ taare wãna
hẽng dugo.
- Dɛysɪ v kɪrɛtɪ hãvma dõm hɪn v manɛ v hãmandv
a zəna zəna hẽnge, a zɔrɛ dɔ.
- Fɛfv na na zɪgrɪ na gɪllɛ ase la pa na hãmandv la
na bakrɪ kun na bakrɪ kãna kong, halɪ na bɛ gel
hãmnamfɪ dõm hɛn na hãmandv ɪ pandɪ na bakrɪ
kun na bakrɪ kãna hẽng kɪrv keblə hẽnge.

**Ase na dãani fuba hãmandv la a Veyiyaas kong
kun yĩeeni a fo kãna ? Ba hãmandaa a bɔrɔ la a
kɛv mentɪ domba kong yoro gu sɪtɪ bii ?**

*(Wuletəm na domba fuba kal ulɛ kallɪlɛ. Hĩŋɔ na na
yorobamfɪ hẽng na bɛ toru la a fuba bɛng durv kun*

*mente domba. Na bene wuletəm domba walıma hēn
defu hēng sōɔne, maa na hayəti na yorobamfi hēnge nə.
Yao na ye a tite kong kendıgam ni sekre dōm kun
wɔɔmv « Uko zuəm kong walıma hēn v hēmmv v
dɔmv»).*

**Nangkāna kun v hāmandu la kun v bakri hēng
/zuru /bakri a Veyiyaas la a Sida hēng nə ?**

Tı na na hōmni ni a Veyiyaas kong la a Sida kong
hāvma felemi kun na sebe na gel. Ye na hāməman la
na feeley dugo kun na yorobe na pa domba hēnge
yoro maa hēn wē sēne sēne yere sām̃ma hēng na yīe
kāng kun na songru maa na ba songro :

1. l tıgɛɛ kāng kun hāngsəri ka a Veyiyaas kong be
yīe a fo la ke ı hēmma ba kāngəsı ı nə.
2. l bellıɲaa la a Veyiyaas kong bāadɛy kong langam
la ke ı hēmma ba dugu ı bakam.
3. l wɔ̃fɔɲaa kun ı hāngəsırı la kun ı yeyrı la ke ı
hēmma ba kɪretam hĩ.

- Fubabu mang mang kǎngəsəra la a kǝv mɛng də ba gele a bɔrɔ halɪ də yao zu a tɔy. (*Neng kǎna gullira a bǎadəy kong langam*).
- Fuba mang mang hǎmanda ke a Sɪda kong a siəm la be la gu maa bakkam la. (Kong a yǎo dɔ gu la gu panda a bǎadəy kong langam a pǎnga.)
- A fuba bu la wǝ ba zǎngərɪ ba yɔɔndɔ kǝv də bene ti a ngoore. (*Kong panda a bǎadəy kong langam a pǎnga. Gu tɪgɛ ke a Sɪda kong la ku a yɔɔndɔ hongo, kɔ gu dəyla ke a kǝv hong wɔfa a bǎadəy kong. Kɔ ba ba h ɛmm a ba zue a tɔy la domba ba ba kekee ba hɪi duru yǎm ba ye a Veyiyaas kong bǎadəy ngo ba fo kǎ yoro.*)
- A fubabu mang mang la wǝ ba kǎngsɪrɪ halɪ hǎna hǎna ke a kǝv mɛng də bara sɔy. (*Ning gullira a bǎadəy kong langam*).
- Fubabu mang mang manav le ba hɛbu a benna la a benna-bu a bǎngu. (*Ning dags ɪra la gu g ɪll ɪra a bǎadəy kong langam. Ba bǎngu kong zuəm dagala ba kesem la Veyiyaas kong. Kundu, kun ba tagɛ ba gaba dogom əhɪ hɛng maa ba sam hɪ ɪ sɪrɪ fas ba*

*hebeε a fo la hĩ duru, gu ba tuge le gu panda a
bãadey kong lang ι kesem.)*

- Fuba mang mang la wẽ ba hãmandu ke a bɔɔ tɔngeε dõm kong də ba mentε la a kẽv, də kiretra a kii-sa. (Kong a yão dɔ gu la gu dagsira a bãadey kong langam)
- Fuba bu mang mang la wẽ, a kẽv də hõngu ke də dey la də zãng a fɔɔ la a bɔɔ tengsɪ də zu a tɔy la də. (Kong panda a bãadey kong langam a pãnga)
- Fuba mang mang hãmanda ke a Sida kong wɔfɔɔa a fo, də dey la də da a bæni də mentεε la a kẽv-bi ala ba yã a bɔɔ. (*Kong a yão dɔ gu la gu dagsira a bãadey kong langam*)
- Fuba mang mang hãmanda ke a kẽv ba dey də gãng la a bɔɔ m entam. (*Kong panda a bãadey kong langam a pãnga. Gıllı na na dãani kẽna-bu la a kẽna neɲetam koy!*)

**Nangkãna v dey v hãngsɪ a fo də kireti də
hãmnamfi?**

Kāng dōm kun v hāmandu kong deyła gu bɔɔgu v
bɔɔfɪ la v pānga kun deysɪɪ gu kɪɾɛɪ v feeley.

A fo bole nboo ke: «Mə ba dəy mə bakɪ a pɪlang mə
ba məntɛ la kēv maa mə ba da a bɔɔɔ» maa də bo
ke :«Mə ba dəy mə wɔlɔm a bɔɔɔ la a kēv məntam
walɪ la mə kēv-bi», kɔ də saa ba dəy də kɪɾɛ tɪ
gɔyənɪ.

U deyła v wuletɪ a hāmnam hēng la a zɪgamfɪ nboo
hēngɛ:

- Ase la bakɪ nkɔ bakɛɛ lɛ?
- Ase la bakɪ n ba bakɛɛ lɛ?
- A fo bakɛ kāng dōm kun nkɔ ba hāmanda ke n
dəy n bakɪ kong bii ?
- Kɔgullɛ n niila ke a sɔɔnɛ kong kɪɾɛɪ la gu ba yāng
taare nkɔ nə.

Hēngɛ a zɪgamfɪ kun hāngsɪɪ v gel ke v hānda
zɔmma v kɪɾɛɪ la ke v hānda wɔfa a deyłey v kɪɾɛɪ.
Keki na a hāmnamfɪ hēn wē sēnɛ sēnɛ yere hēngɛ na
sɔgɔ ɪ nə a zɪgamfɪ hēn v zɪgɛ dɔba hēngɛ. .

Ala hēmmu də zıgı a Sıda kong walı də gel ?

(Zıgı a fuba beng duru nə zıgam nangsə. A fuba namba ba daa walıma hēn wē sēne sēne yere sām̐ma ga dōm maa na dagsı gu. Kun dəfu gu kə, maa na wuletəm domba la kun na dəy na bakı na dəysı na hēme a sebam a fuba nə : ala tıki a hōngrə hong ? Ase də saa zōmmu də sebu a fuba beng nə? Sefu a s ebam kong bakrı? Tike ndeengu gu tıki?)

A fuba beng duru la hēmmu ba zıgı a Sıda kong walı ba gel gu walı / ba da yēley la gu walı kong –a belıə, a benna la a kēna-bu la a kāyme.

- A belıə bunma magtı zenə 5 gu yao 11 beng la fuba bunma a Veyiyaas kong ba yāng gu dəy gu te, gu ba tıge ba sām̐ma hul la a bāadēy kong bi. Zenə nangsə nene sām̐ma dəyla ba kō a Veyiyaas kong bāadēy kong! Gukə nə, gu hēmma u hōngu a belıə beng nə nagnkana ba dəy ba kō a Veyiyaas kong kun ba na ba kure bərw maa a kēu gelam. A Sıda kong walı sebam hēmma gu kuru halı ba

karengu dāe pora hēnge ni, maa ba –Zimaas a
Dɔfre dāng ni sebam hēng ni la dāani.

- A beliə bɔrma bəng kuto bəng kuto la a bɔrɔ maa
la a kēu məntam ba zenə 12 la 19 tullɛ. A sɔɔnɛ
kɔn ba dɛy ba yīe a Veyiyaas bāadɛy kong zɔrɛ
zɔrɛ, kɔn kē duru a kēna-bu bəngɛ. Kāngsɪ ba gulle
baa laba la bɔrɔ maa la a kēu kɔn farɪ ba tɔy lɛ a
bɔrv fast kɔn kōn v a bāadɛy kong.
- A kāymɛy bɔnma wɔfu zena kɔn magɪ sofe gu
yaku fɪntāa la ɪ fa la kē a Veyiyaas kong la a Sɪda
kong kɔn dɛy ɪ yīe sām̐ma. Gu hēm̐ma halɪ hāna
hāna ba kāngsɪ ba gel kāng dōm kɔn ba bakr ɪ la
ba kō a Veyiyaas kong la ka ba pa gu bɛ langɪ, la,
ba hēm̐ma mu ba gel nangkāna ba dɛy ba tɪpɛ
bɔnma gu yīe bəng.
- A kēm̐mɛy bɔnma kē bəng duru ba hēm̐ma ba
hōŋɔ ba kāymɛy kong ba da ba məntɪ la a yɔɔnɪ
bəngɛ. Dōmni bako bellɪ ye beliə dōm hēn a Sɪda
kong hasɛ ba sām̐ma gu dugu ba bəngɛ. Ba
hēm̐ma ba dɛysɪ ba hōngu bu nangsə nə kɔn ba
dɛy ba bakɪ ba kō a Sɪda ba biley kong sɔɔnɛ.

A teyaatr la a lelam

A fubabu bunma menti domba tike, ba wōfa a lelamfi kun nanni a fo ala deysi a hāuma keblə. Baku na a nanu kun Kande la də yĩmde bəɾɔ-bi hong la də yĩməu kēna-bu bəng dəy ba lel ba posu a Dəfrɛ barka də boŋey kong la də hōŋɔne ba nə kong. Lel na gu la a nanu gēne.

Kāng dōm kun a Dəfrɛ tute kong bollu

**Karam na Ezekiyel tute kong yoro gu Sapitr 3
verse 16 gu yao 21 A Dəfrɛ nene songro hong
kāngsɪra a Dəfrɛ yēmba bəng**

Ezekiyel ti a Dəfrɛ nene tongsuro. A Dəfrɛ nene tongsuro tomde da ti səbu a fuba bəng nə kāng dōm kun a Dəfrɛ da zəmmu ke a fuba bəng maa a fo dōm hēmmu də yobo la.

1. Na hōnge na fuba a wali kun bellu a Dəfrɛ tām belle ni la ba gāng ba feeley kong kɪɾɛtam, ala a Dəfrɛ bellu gɪɾi? Wuletəm-na domba.

2. Na yāaŋa a walı kun defu a Dɔfre tām nə la na
ba hōnge ba nə, ala walı gu bellı kiretı a Dɔfre
yika ni? Wuletəm-na domba.
3. Gu wāna ukɔ dɔba u sebu fuba sɔrba bɛng nə a
walıma hēn ba dɔnda hun a Dɔfre tām hullu.
Nangkāna le bakam kāngsırı a Dɔfre dāng kong la
ba sebu a fuba nə hāuma dōm hun ba dey bakı ba
gullı a Veyiyaas kong langam, gu la kāna ba dey
ba bakı ba bongsu bınma a Sıda kong wōfu
sāmma.

**Karam-na Matiye Tıte kong yoro gu Sapıtr 25 gu
verse 31 gu yao 44 A tɛŋsı fēnde kong gırıu**

Verse nangsı yoro, Zezi sebraa a fuba bɛng nə
wakat dōm kun a dūniyə kong fo kāmı gırıu gıtı.

1. Zezi hōngu kun ba bake fuba dōm bınma wōfu a
walı hōlle hōlle benge. A walı nahı ndeenəhı la
hē?
2. Gu tıgɛɛ la Zezi, ase bınma yelli fuba bınma wōfu
walı hēngsa dugo walı, ba tɛngsı, fēnde ni, ba ba

yã beng darı ? Ase la darı bınma ba yella fuba le
sãmma beng walı

3. Ase a versefi hëng yere hõnguru hũ kun ba
hëmmu ba bakı fuba dõm bınma a Veyiyaas kong
la a Sıda kong wõfu sãmma?

**Karam-na Zã tite kong yoro gu sapıtr 6 gu verse
1 gu yao 15 Buuri zamba ı nõm la yẽnı ı hĩi
hënge sãbre**

Zezi kun dılede a fuba põtı kong hũnde hõnguraa
ke dẽ kømmə a wũngoy sãmma wũngoy.

Kong le a ba-yãa-gu-na kun Matiye, Markı, Luuk la
Zã ba naa duru wãrgẽ ba sãbu.

1. Filip la Ãndere, ba hĩi beng fo kãma hõnge ke ba
hãmandaa ke Zezi wõfa a deyley kesere bii? Ase
nə ba hãmandu maa ba ba hãmanda ?
2. Ye-na buurifi zamba nõm hënge la yẽnı hĩi la
hõmni. UKo fo kãa dẽ dõm dõm dey la u gel daam
dõm kun u wõfu kong nangkãna, la, nangkãna u
dey u hõņo hẽ u hãngsı fuba põtı waluma gẽn hëng
nboo a Veyiyaas kong la a Sıda kong?

3. Ye-na kǎng dǒm kun Kande, də yǐmǝu kena-bu
beng la də yǐmde bɔrɔ-bi hong da bakɪ kong la a
hǒmni. Nangkāna ʋ dəy ʋ hǎngsɪ a Dɔfre dǎe hun
ʋ wẽ yoro hẽng fuba ba hǎngsɪ ʋ fuba sɔrba
benge?

Posu a Dɔfre la yẽngsɪ n bakɪ kǎng

Toru-na kǎng dǒm kun na sebe seabam nangsɔ yoro
na gel kong. Kɔgillɛ a walɪma hun hẽmmʋ la a
kɪrɛtam wẽ na feeley hẽnge yoro, kun na da a yẽɛley
yere na dagsi kong bii? Menti-na na posu domba nə.

A wārgam dagsırgu

U zuəm kong yıgıñə hın walı v hemmu v gel.

- A hāmnamfı kun a fuba wǝfu a ba-gele-a-bǝrǝ maa ba-gele-a-kǝv hǝngɛ: kǝgıllɛ, a yǝ-zāsam la gu a fuba bǝng nə bii a koy la gu?
- A bǝrǝ la a kǝv la domba labam walı hāmnamfı: ase furo nə la a labu domba kong?
- A belıə bǝrma hǝngɛ la a kǝv la a bǝrǝ labu domba walı hāmnamfı: ase bakam a fuba yelli ke gu magtı? Ke gu hāna? Ke a zaabı la gu? A kǝna-bu bǝng hǝmmaa ba hǝngu ke ba dəyla ba hul a bi la ba tǝngsı ba zu a tǝy bii?
- A bǝnna-bu la a kǝna-bu bāngu walı : ase a fuba hāmandu la nahı? Gu kenga ndeenəhı la dagsırı a Veyiyaas kong langam pānga? Kǝgıllɛ, v dəyla kıretı walı hǝnsa sāmma? Nangkāna gu dəy?
- A bǝnna bǝng nə, ase hāmnamfı la wǝ la a bǝrǝ la a kǝv labam kong walı: ase a bǝrǝ hǝmmu də da ka də bɛ sol a bāadəy? Ase la ba hǝllɛ kun ba halfu a kǝv la a bǝrǝ labam kong yoro? A fuba

beng yeo ni, ase la a walı zaabı /a kãng kun gullı
a boro la kēu labam kong yoro?

- A kēna la a mentam walı hāmnamfi: ase la ba
tomde a labam nangu yoro? Ase la ba hollē kun
ba halfu? Kogulle ba halfa ba gulle ba dey ba gāng
a labam kong?
- Ba-dey-n-da-a-hulam walı hāmnaftı: ala la a ba-
hulla saa maa ase la bellı la a ba-dey-gu-da-a-
hulam? Nangkāna a kēu la a boro hēmmu ba
yēngsı ba bakı ba ba deyəŋa ba da a hulam? A
kēu la a boro mentam kong wāna a bu hulam nə
teng bii?
- A kēu maa a kēu-bi neŋetı-n-labu-la walı: kogulle,
kāngkāa duru sōne, a kēu bi a kēu-bi hong walı
la? Ase la bakrı, a kēu benēe bo ke a fo la neŋetı
də labu la də?
- A seb-kēna la a seb-benna walı: ala yelli ba walı?
Ase la ba hollē kun ba halfu? Kogulle a fuba
magalı ba gora ba zāng tufu dono sorgu bii? Ba
magalıŋa le, la ala gu hēmmu gu tı?

- A werebu benge: ala la yelli ba walı? Ase la dari ba ngoonja a hullu ala yelli ba walı? Ase la ba hulle kun ba halfu ?
- A SIDA kong walı: a fuba beng hōmāni ni, nangkāna dono gu zaladı a fo? Kogulle ba hāmanda ke ala gu wōfu deyla dā gō dā da a bāni? Nangkāna dā saa dey dā da bāni nangu?
- Kogulle, a bōru wē a fuba beng nā ba wōlom ba pānga ngoore walı.

Kāng dōm kun a Dofre tute kong bollu. Versefi sōrōhē kun dagsı

Sēbam Pote kong

- A Dofre hāngsıraa a wūngoy sāmā benge : A Lelamfi Tute kong yoro 22.24 la A Lelamfi tute

10.12 gu yao 18 *Dieu aide les nécessiteux: Psaumes 22.24; Psaumes 10.12-18*

- Hēmɛ-n-gillɛ a sōm nə. A Hōmni Saa tɛtɛ kong yoro Sap7. verse 2 gu yao ɪ 4 ; gu la A Lelamfi tɛtɛ Sap 23 Se préparer à mourir: Ecclésiaste 7.2-4; Psaumes 23
- ʋ yɪkani hāney wānaa la a Dɔfrɛ : a Lelamfi tɛtɛ kong yoro 130 Notre espoir est en Dieu: Psaumes 130
- A yēɛley kun nə tɪlay : Ooze tɛtɛ Sap 4 verse 6 *La connaissance nécessaire: Osée 4.6*
- A Dɔfrɛ wargɪraa kun ʋkɔ bellɪ wargɪrɪ kong sɔɔnɛ. *Dieu souffre lorsque nous souffrons: Ésaïe 63.8-9*
- Da a fɔŋɔtam: Matiye tɛtɛ Sap 11 verse 28-30 *Trouver du repos: Matthieu 11.28-30*
- Kāng ngo kun dəy gu hēsɪ hū la a boŋey dōm kun a Dɔfrɛ wɔfɪ ʋ nə kong. Rɔm sām̐ma nə tɛtɛ Sap 8 verse 24 gu yao 39 *Rien ne peut nous séparer de l'amour de Dieu: Romains 8.24-39*

- Kausu n zorom a hāngsam a waluma gēn sōone : A Lelamfi tite Sap 1tr 25 *Crie à l'aide dans le temps de trouble: Psaumes 25*

Sebam Hīindəgu

Leçon 2

- A wargam la a wali kun ba dōnda a Dəfre bunde wali: A bōrō Zōob tite kong Sapitr 1 la 1 2 ; Zā tite kong Sap 9 verse 1 gu yao 3 ; A Tōnguruba beng tite yoro Sap 5 verse 1 gu yao 11 *La souffrance et le péché: Job 1-2; Jean 9.1-3; Actes 5.1-11*
- A waluma kun dəfu kāng kun a Dəfre ba bong kong bakam Samuwel tite hīindigu 11. 1gu yao Samuwel 12 verse 23 ; gu dagsi gu Sap 12 verse 12 gu yao 14 *Conséquences du péché: 2 Samuel 11.1-12.23; 2 Samuel 12.12-14*
- Hōŋo-na a fər-pōnəmii : A Kurom tite Sap 2 vers 18 ; A Y ēngəsam tite Sap 20 vers 14; A Səru tite Sap 5 verse 15 gu ya 21 ; A tite Hebrema beng nə Sp 13 verse 4 ; Teselaniki sāmma nə a tite a Pote Sap 4 verse 1 gu yao 8. *Soyez fidèle:*

Genèse 2.18; Exode 20.14; Proverbes 5.15-21;

Hébreux 13.4; 1 Thessaloniens 4.1-8

- Meng-na la na tɔy kɛv hong dɔy : Malasi tɛ Sap 2 versefi 13 gu yao 16 Soyez fidèle à la femme de votre jeunesse: Malachie 2.13-16
- Bakɪ kun a Dɔfrɛ ba bong a kɛv la a bɔrɔ mentam kong yoro bella la yeyam fasi. A Sɛrv tɛ Sap 6 versefi 20 gu yao 35 Le péché sexuel amène la destruction: Proverbes 6.20-35
- Ba durv bak ɪ kong a Dɔfrɛ ba bong a kɛv la a bɔrɔ mentam kong yoro : Matiye 5 vers 27 g y 30 *Tous ont péché sexuellement: Matthieu 5.27-30*
- Pɔsv-n-fɔrv n bo n gũmbəm la kɛmetv n dɔgv gu : Ezayi tɛ Sap.1 verse 18 ; Zã Pote tɛ Sap1versefi 8 gu yao 10 *Confesser et se repentir: Ésaïe 1.18; 1 Jean 1.8-10*
- Gɔ gu kuru a feleng Korɛntɪ sãmma nə tɛ Hĩindəgu Sap 5 vers 17 *Commencer de nouveau: 2 Corinthiens 5.17*
- A g ɪllam ka a fo be larɪ a tufu-dono kɛv maa bɔrɔ sɔrgv də kãna : Rɔm sãmma nə a tɛ Sap 1vers26

gu yao 27. *Défense d'avoir un partenaire du même sexe:*

Romains 1.26-27;

- Gırı n dono gıru: Matiye Sap 7 versefi 1 gu yao 5
Juger les autres: Matthieu 7.1-5
- A f̄r-p̄nemii saa ala wargırı posam walı: A
Lelam tıte Sap 26 *Prière d'un innocent qui souffre:*
Psaumes 26
- Zu-na a t̄y la domba k̄n pandı na k̄o a walıma
zaabı Kor̄nt s̄amma n̄a a tıte Sap 7 verse 1 gu
yao 10 *Mariez-vous pour éviter l'immoralité: 1*
Corinthiens 7.1-10
- Pa-na bunma bakrı na n̄a a zaabı a sugrı : Matiye
Sap utr 6 vers 9 gu yao 14 *Pardonnez à ceux qui*
vous font du mal: Matthieu 6.9-14
- U h̄s̄era fuba s̄orba yıba-hem k̄n a D̄fr̄e h̄s̄e v
yıba-hem gille n̄a. Kor̄nt s̄amma n̄a a tıte Sap 1
verse 3 gu yao 11 *Nous réconfortons les autres*
parce que nous sommes nous-mêmes réconfortés: 2
Corinthiens 1.3-11

S̄ebam t̄and̄əgv

Leçon 3

- Meng la a yafu-domba hāniyā: Korēnti sām̃ma nə tute Pote kong gu Sap15 verse 33 *Rester en bonne compagnie: 1 Corinthiens 15.33*
- Yīe-n-yukanə: Korēnt Sām̃ma nə Tute Pote kong 6 verse 15 gu yao 20; Teselanik sām̃ma nə a Tute Pote kong Sap 4 verse 3 gu yao 8; Rəm sām̃ma nə a tute Sap 1 versefi 23 gu yao 25 *L'abstinence: 1 Corinthiens 6.15-20; 1 Thessaloniens 4.3-8; Romains 1.23-25*
- A dəysı-n-gillə: Korēnt sām̃ma nə a tute Pote kong Sap 10 vers 12 gu yao 13 *La maîtrise de soi: 1 Corinthiens 10.12-13*
- A kēna kurba: A Serfi tute kong Sap 7 verse 1 gu yao 27; A Hōmni Saa tute kong Sap 7 verse 26 *Les femmes dangereuses: Proverbes 7.1-27; Ecclésiaste 7.26*
- Tı a pēne kun magtı lə : Timote nə a tute Pote kong Sap 2 verse 9 gu yao 10. *S'habiller modestement: 1 Timothée 2.9-10*

- Hoe-n-hēsi la bɔɔ la a kēv mentam walɔma hɔn ba dɛyi koptu hēngɛ duru: Timote nə a tɛ Hīindəgu Sap 2 verse 22 *Fuir les passions sexuelles: 2 Timothée 2.22*
- A benna kurba: Samuyel tɛ hīindəgu Sapitr 13 versefi 1 gu yao 22; a Kurom tɛ Sapitr 34 *Les hommes dangereux: 2 Samuel 13.1-22; Genèse 34*
- Hōŋɔ-n-gulle la n yaba a fɔr-pōnemii yoro : A Lelamfi tɛ kong yoro Sap 119 versefi 9 ɪ yao 11 *Garder une conduite pure: Psaumes 119.9-11*
- U kulɔ kong a Dɔfre la halfu gu : Korēnt sāmmanə a tɛ pote Sap 6 verse 15 gu yao 20 *Notre corps appartient à Dieu: 1 Corinthiens 6.15-20*

Sɛbam Naandɪgu

Leçon 4

- Bɪnma s ɪb v bɛng dɛyla ba g ɔ ba da a feeley: Ezekiyl tɛ Sap 37 versefi 1 gu yao 13 *Ceux qui meurent peuvent reprendre vie: Ézéchiél 37.1-13*
- A logotam a werebu bɛng la seb-kēna bɛng nə: A Dɔfre wɔgɔ hīindigu kong Sap 24 versefi 17 gu

yao 22 ; Zenangu le Sap 27 verse 19. ***Justice pour les orphelins et les veuves: Deutéronome 24.17-22; 27.19***

- Kɔrɔtu-n-bakɪ ngo: Zaak tɪtɛ Sap 2 versefi 1 gu yao 12 *Pas de discrimination: Jacques 2.1-12*
- A yũ gǎne la kũn tɪkɪ fɛ̃fɔ : Korɛ̃nt sǎmma nə a tɪ tɛ hĩindigu kong Sap4 versefi 7 gu yao 8, la versef ɪ 16 gu yao 18. *Accablé mais pas désespéré: 2 Corinthiens 4.7-8,16-18*
- Song a beli ə bɛng n boo Zezi kũn songe ba kong kǎna : Mark tɪtɛ Sap 9 versefi 33 gu yao 36 *Accueillir les enfants tout comme Jésus les a accueillis: Marc 9.33-36*
- U hǎmanda a sǎm belle ni fegetam kongu dagalɪ gu: Korɛ̃nt sǎmma nə a tɪtɛ pote kong Sap 15 versefi 35 gu yao 44, la 53 gu yao 56 *L'espoir dans la résurrection: 1 Corinthiens 15.35-44;53-56*

S ɛbam nomǎndəgu

Leçon 5

- Sebu fuba sɔrba ba gel : Timote nə a tɪtɛ pote
kong Sap 2 verse 20 *Enseigner d'autres: 1.Timothee
2.20*
- Hayəti a Dɔfre hāney kong : A Dɔfre wɔgɔfi
hĩindəgu Sap 6 versefi 7 gu yao 9 *Rappeler la
bonté de Dieu: Deutéronome 6.7-9*
- Sebu a fuba beng la hōngu ba *Apprendre et
Instruire: 1 Thessaloniens 4.3-8*

A hɔnɛ

Kun defu «Baaba kulɔ kong» a sebam 1

Kāng kun a hōngrɔ hong bollu:	Kāng dōm kun a hōngrɔ hong la hōnduba beng bakrɪ:
Hōnɛ Naandəgu : Baaba pa ba keki də yām kong ba na a bāadɛy kong bi də kuru a Ayerve hēngɛ sevu zangam	
« Ʋ bo ke Ʋ gɔ sɔɔnɛ dōm kun Baaba kure də bāadɛy kong kāngsɪ kong.»	A hōngɛrɔ hong namanau tāa kun dɔba gu wārgɛ ‘Veyiyaakiiso’. Fuba tāa bɪnma wōfu namanau ‘Ayerve’ hēng be mɛntu hōnduba sɔrba beng dɔru.
«Baaba ba dɛy də bāadɛy hēngɛ gɔyɛni. Də yao a lɔgtɔɔrɔ dāng kebre kong ni ba yao bo də nə ke a	‘Veyiyaas’ ɪ tāa hēng yafu ɪ giledi a sēnɛ gīndega kong yoro kun magalɪ baaba kulɔ kong, gu yoro,

bāadey kong bi wāna dā yām kong yoro.»	‘mērgu’, ‘saramde’ la ‘kosu- kōone’ ma wāna ze. A ‘gīndeni pōniyā’ ı hīi wē sēne ı tufu, dā dōm hufu.
«A kēu lōgtōrō hong pa dā a sēu hūn ba yitı ‘Ayerve’ (āntıretrovıro’) dā kuru a fıram fēnde kāma. »	Fuba tāa bınma wōfu namanau ‘Ayerve’ hēng gondu ba zu sēne gīndega kong yoro.
«A Ayerve hēnge gullıra a Veyiyaas kong ka gu be wigi. Baaba kulō kong kuru a gīndeni pōniyā hēng bakam gōni. Kun dagsı, dā dıra a dıufı hāniyā la dā solee a bāadey dıru, la kun dā gonde a lōgtōrō dāng dā yao ları a sēu.»	Ayerve ı tāa hēnge yīe bāadey bu tāa hēnge. A gīndeni ı tāa hēng yēngsı gōm a bāadey hēng bu selle.
Sıram 5 : Baaba dıgu a Ayerve sēu bu hēnge fıram, dā gō dā sol a bāadey	

«Baaba kuru dā kāngsəri la dā ba dāmōnda bāadēy kāma dōmē gōōnı. Dā kuru dā hupturu a sēvfi hēnge fıram dā dūgru yōŋa yōŋa.»	A Ayerve hēnge sırı a kulō kong ni.
«La a bāadēy kong yıka kong kıretı sa. Gu pānga kong kē taare»	A hōngrō hong kıretı namanau ı tāa Veyiyaas namanau ı tāa hēng la namanau ‘Veyiyaakiiso’.
«Baaba gō dā sol a bāadēy.»	A Veyiyaakiiso’ hēng wollaa la gīndeni pōniyā ı hīi hēng ı sol sēne. A bāadēy hēnge zu sēne gīndega kong yoro. A gīndega pōnong gu dōm kun m ēng kong ba dēy gu gōm ı s ırs ı selle. .

«Baaba g ɔ də kuru a s ẽ vɛ ɪ hẽnge f ɪ ram, la sa n ɛ ng kong gu ba bɔʊsɛra də nə. A Ayerve kun Baaba da fɪtɪ hẽnge ba dɛy Veyiyaas dugo feleng kong. Də bakra də maana n gel də da ba dʊgra a sɛvɛtɪ hẽnge fɪram.»	A Ayerve hẽnge g ɔ ɪ zu a kulɔ kong yoro la, ɪ ba dɛy gɪllɪ a Veyiyaakiiso hẽnge. A bāadɛy-bu hẽnge ɪ la a Veyiyaakiisoma hẽnge hɔ̃nda sɛnɛ gɪndega kong yoro la ɪ hɔ̃ngru ke ɪkɔ la dɛysɪ. Baaba sɪbu.
---	--

**U dɛysɪ v tɛ tike dɔ̃m kun v zɔmmu ni la v feeley
kong**

Sɛbam tãandəgu

A furo Pote : A hɔ̃ngrɔ hong bolləə: Tɪ n hɔ̃mni ni
kãng dɔ̃m kun n bong n da a n feeley kongo nə,
kãng dɔ̃m kun kɪrɛtrɪ n feeley kong yoro, yere la
zenə nɔ̃m. A fo la zɔmmu də h ɔ̃ngu a fuba bɛnge
duru kun də zɔmmu bii ? (*A sebruba bɛng yorobamfi
walɪ la yere kong*)

(A hōngrɔ hong zāngraa lengemfi ɪ tãa: gu dōm a hem tulle kūnne, hēmēna hīi, la yema hīi. Də konnaa hem tulle kūnne kong də yikani kun ba kē metrīma tãa la də.)

A hōngrɔ hong bo : Ye-na a hem tulle kūnne kong. Gu magala kāng dōm kun na zōmmu a tōngam yoro na feeley kong nə. Dan a tɛ ze, gu ba tigeɛ na beremsu a hulɔ maa a tagrɛ kongo. A hem magala na feeley kong zenə.

A hem kong beremsam sōɔnɛ, na ba hēm̄ma na sol gu yoro, ke a waluma la wē ze nboo a hēmēna hēng la a yema hēngɛ. *(A hōngrɔ hong kon a hēmēna hēng la a yema hēng dəkɔ la a hem tulle kūnne kong)*

A hōngrɔ hong zɪɣɪ neng : Nangkāna ʋ dəy ʋ beremsu a hem kongu ba sole? Gu hēm̄ma ʋ da a dɔba bɔru yafugv.

(A hōngrɔ hong dēsɪ a da-pongle pote kong sēnɛ (maa də hōŋɔ kāng hoyəgrəgu kōy hī saa). A hem dɔba bɔru nangsa sɔy tigini hī. A pote saa kong dēsam dōm la gu

la a hūindigu kong, a dēsam kun dugu dugu, a lengem kong yoro kāna lē.


A hōngrō hong bollə : Da na tē k unne nangsa, na hēm̃ma yaba bōrv feliŋa nangsa dōba, na yaba n boo na kalla wole nene (na pandi a wol-bi hati a wol-kōtē). Na dēyla na sol zōrē zōrē.

(Maa a hōngrō hong bakı a fuba ye la dā halsı dā sol a hem kong yoro kun hōngrv nə lē.)

Furo Hūindigu. A hōngrō hong bolla : Ala la dēy dā bakı gu bōusu kun məkō bake kong? (A sēbruba bēng magala a hem dōba bōrv kong dōba yabrē. A fo dēysē dā bērem̃su dā tē a kunne kong, fuba sōrba bēng dōrv dōmmaa dā ne wōn-pora la ala dēysi hong bolla, «Mā dēyla mā tē!»)

Furo tãandəgu: A hōngrō hong bollaa ning : Sanēng, binma sol bēng dēyla ba bērem̃su a hem dōba bōrv kong la da pongla hīi. (A hōngrō hong dēsira a dēsam wāng wāng kun magali a da-pongole hūindigu (maa dā hōŋō pongole hūindigu la kōife sōrgv).

*Binnma da sol a pote beremsam kong dēyla ba beremsv
zore zore sa).*



Furo Naandigu: A hōngurɔ hong bollaa: Ase a hem tullɛ kunne kong, a dɔɔfi hēng la a hem dɔba bɔru kong magali nako nə? (*A sɛbruba bɛng yorobam la yere kong*)

A hem tullɛ kunne kong magala dɛysamfi duru kun nako z ɔmmu na feeley kong yoro, kun na zɔmmu na baki, kun na zɔmmu na bɛ wɔ̃fu, la fo dōm kun na bellɪ zɔmmu na ti. Gu dɛyla gu ti ke yao a karungu tike la, kɪrɛti a fɛbi fɛtu la a veto ala gɛ̃nɛti, maa da a tomde hānang, kɪrɛti Zezi bɔru kong fuba karensaamba, maa zu a tɔy maa da a bu la. Nako feeley kong yoro, ase a hem tullɛ kunne kong magali na nə? (*A sɛbruba bɛng yorobamfi la yere kong*)

A hēmɛna hēng la a yɛma hēng zāngra ɪ maga la v walɪma kā̃ɲəna ka a yū-gā̃nəu hēn v nanɪ v feeley kong yoro, ɪ la a bāadɛy n boo a Sɪda kong.

A walɪma kā̃ɲəna hēngsa dɛyla ɪ gullɪ hū v ba dɛyse kun v da magali la v zɔmmu hēng duru. A walɪma kā̃ng əna ndeenəhĩ la dɛy ɪ gullɪ na na ba

dɛysɛ na hɛm kʊn na latɪ? (A *sebrɔba bɛng yorobam la yere*)

A hem dɔba bɔrʊ kɔng da-pongla magala a bɔrʊfɪ kʊn v dɛy v yomʊ ba sole a bāadɛy la v hɛm a hāʊma kʊn v magalɛ durʊ. A pote da-pongole hibʊ kɔng magala yīe-n-yikanə; kʊn n zɔmmʊ gu bo ke n ba mɛntɛ la a bɔrʊ maa a kēʊ kʊn farɪ n tɔy zuəm. A dēsam kutom kutom hēng magala a fɔr-pōnimii n la n tufu dono a tɔy yoro ; kʊn zɔmmʊ gu bo ke m ɛntɪ la n bara maa n kēʊ sɔy.

La, dɛysɪ n bɛrɛmsʊ a hem kɔng la da-pongole dōm kɔng dɛyla gu kāŋa, gu pa v hēmmʊ v da a hāngəsam. A da-pongole hīindigu kʊn wāng wāng kɔng magala hāngəsam dugo durʊ kʊn v dɛy v da v hɛm kʊn v zɔmmʊ durʊ. ʊkɔ gulle la sol a pote da-pongole kɔng dɔba yabrɛ ni maa v tufu dono hong la, a Veyiyaas kɔng bɛ yīe hū, a da-pongole hīindigu dɛyla gu maga a kapot kɔng tɪgam kʊn darɪ ka a Veyiyaas nangu bāadɛy bɛ langa. Kɔ, kʊn v tɪkɪ a kapot kɔng la bɔʊ kʊn v tīngəsiri v bɪndɛ a Veyiyaas

kong be yĩe hũ maa u pa gu bãadey kong be langi.
Na songe guko bii? Ase na na song maa na gãng gu?
(*A sebruba beng yorobamfi la yere kong*)

Furo nomondugu : A hōngrō hong bolla : Kāng sōrgu ndeengu la dɛy gu hāngəsɪ na na bɛrɛmsu a hem /na yaba a hem dɔba bɔru kong dɔba na ba sole? A da-pongole hīindigu kong a hāngsam sōrgu dugo la kun ʋ dɛy ʋ da ʋ dāani fuba wa, Zezi fuba bɪnma tulle ʋ wē la ʋ fuba sɔrba bɪnma tulle ʋ wē bɛngɛ.

- Sebu na ba nə magalamfi dōm hēn na wōfu ba da ba dagsɪ na bennu /hāngsɪ na.
- Zōŋɔ-na a fuba bɪnma hāngsɪrɪ na na yīe a hōmni hāniyā.
- Tā-na a yommu-domba bɪnma dēnnɪ na ba yao hebu a hēnam yoro maa a taba bi a sēʋfi kāna yoro. Ke gu bella tɪ na nə a kāngəna na dɛysɪ na keki a hōmni hānang kun bakrɪ.
- Tā-na a yommu-domba bɪnma dargrɪ na ba hebu a mentam la a kēʋ maa la a bɔrɔ.
- Pa-na ba ye na yām yoro a Veyiyaas kong ngo ze la na larɪ bāadey sɔrhɪ hēn a mentam la a kēʋ maa la a bɔrɔ bellɪ la hēngɛ, gu kōndɛɛ ke ɪ wōfaa na.

Furo hūrōndugv: A hōngurō hong bollaa : Tı-na na hōmni ni Kande la də yīmde bōrō-bi kēng, a sēbre kong kurom kong ni. Nakō hōmni ni, ase ba dəy ba da bong ba hēm ba feeley kong yoro ? Kōgulle ba hēmē hī? Ase walı kāngəna ba hēmse ba bōrv dōba ? Nangkāna ba kō ı ni?

Kāng kun yāng gu/ a magalugv

Zumoke burı də kiretı a bōrō-bi bındōndəmu saa. Də mu kun yage bong də kē le a ballı taam la də tara la də folləba a ikip yoro ba tarı. La, a yāo kong, a walı lēlē, də feeley kong, da də mu feefu lēlē gu la, la, də n go kāng kāma də hōmni kong yoro kun də gōmmu də feeley kong yoro də zōmmu də yīe. Də be wē a hem dōba b ɔrf ı dōm hēng gu dōm - v bo ke yīe-n-yıkanı kong saa- la də hāma ke a hem kong yoro dōndəmiı la bellı kēesı la gu bella yagsı a kulō. Tengəsı, də yāa la ke a hem kong a walı la gu, la a bikenı hēng senifa la gu kāngəna də dəysı də hōngo də gulle ı yıka ni.

Ke Zumoke zɔmmu də sã də sol a hem kong yoro la
kɔn, sɔɔnɛ dɔm lɛ, də na hɛɛfa yerehĩ a kunne. Də ni
də ballı tarba domba bɔnma də bong bɛng ikipi la
dəkɔ gulle a ballı kong taama tike ba wẽ ze ba tarı.
Dəkɔ hoe də ta a ballı kong də hebu a biye, gu pa
dəkɔ tarı domba bɛng deysı bɔnma ba tarı la benge.
Gukɔ ni də dɔmne a ballı yelleba bɛng kɔn hori ba
sãnı a bɔndɔndumii la də follɔba kɔn dɔmmu a
wãnapora. Də bɔndə kong dɔngəsɔ halı hãna hãna.
Gukɔ belle ni, kɔn də wronguru dãani, də niila də
bɔrɔ -bĩinga kɔn horu də be tɛ də yĩe də.

Də zenə kɔn bellı hem tulle kunne kong dɔba, də
niila ke də zu a tɔy də da belia hĩi bɔnma kãɲa hãna
hãna. Zumoke zu də zaka ni, də yĩe də kɛv ba bigi
domba la gu ni, də gel a kɛv kãna bong də kong
durɔ. La, də bole də hɔmni ni: «Wooyoy, ke da a
bæni la a kãɲay gu deysı a feeley kong yoro
dɔndu!»

Gukɔ belle ni, də tulle də ye a hem kong la də ye də
sã feeley kong. Hõmni dõm kun da bɛ də nə ke də
yao huku a hem kong kɪrɛtɪ də nə a zabɾɛy la ʋ bo
ke a walɪ gulle gulle. Kɔ də yĩe ke də mɛngəna də hitɪ
a hem dɔba bɔru kong, da də dəysɪ də tɛ feeley
hãnang dõm kun bellɪ də y ɪka ni kong.

Sa, kɛl-na na yɪba la na tɪ na hõmni ni hãvma dõm
hɛn na zɔmmʋ na hɛm hɛngɛ. Wãrgɪ-na a walɪma
kun na hɛmmʋ na kɪrɛtɪ na feeley kong yoro na
dɛbu hĩ domba kun na zɔmmʋ na hɛm a hãvma
hɛng nə. Kuru-na ɪ kɪrɛtam yoote lɛ.

**A yão bakkam la n tufu-dono gãŋam kong lurgo.
Sebam nomandʋgu**

1. A s ɛbɛl ɔ hong z ɪɣɪ : «Ase nə a fɔba bɛng ba
bakra a yão la domba, la, ase nə ba m ɛntɪr ɪ la a
kɛna maa a bɛnna bɪnma la ba hĩ ba zue a tɔy ?»
(*Saba gu bakra ba nə a hõnɛ, a hõmni sɪrsɛmɛ la wɛ
la fo dõm hong fɛndɛ kãma, saba m ə zɔmma m ə gel
nangkãna fɔba sɔrba bɛng bakri, saba fɛndɛ kãma
mə kɛv hong warg ɪ...*) A hõngɾɔ hong wãrgɪra kun

bak ɪ walɪ kãma ni a tute fõfr ε yõŋa ni la də tarɪ
hẽ a tablo dɔba n boo a lurgo lembam la a temba.
Də songra songra a fuba bẽng wa, waluma dõm
hẽn pa ba ba bakra a yão la domba hẽnge ɪ fi.

2. A hõngrɔ hong totəə gurup kong ekipima hĩi la də
hõngu ke dəkɔ gulle la zɔmmu də bakɪ də gulle fo
d õm ala zɔmmu də mɛntɪ la kẽna maa benna pɔtu
hong.

3. A hõngrɔ hong zãngra a tembre, la ekipifi hẽng
bella bakɪ kun ba dəy da ba hao də də bakɪ a yão
la də tufu-dono, ba songru domba. A ekipi dõm
kun dəys ɪ gu hao a h õngr ɔ hong la songru a
tembre kong. A ekip dõm fo dõm panda yorobam
/walɪ dõm. Neng gu bakrɪ gu yakv halɪ a temba
hẽng durv bɛ hõsv. A gurup dõm kun da a tembə
gu kẽɛsɪ la dəysɪ.

Dəysɪ-n- yɪkani gãŋənəba bẽng lurgo kong.

Sebam nomandugv

1. A hõngrv hong zɪgraa : «Ase nə a senəba bẽng
m ɛntɪ la a kẽv maa a bɔrɔ zaa ba ba zue a ɔy ?»

(*saba gu dɔnda, saba mə follaba beng bakra gu, saba mə fɔ̃nna ka ala la mə hĩ wẽ la domba hong be d vgu mə...*) A hɔ̃ngrɔ hong wãrgura kun bakɪ walɪ kãma ni a tɪtɛ fɔ̃frɛ yõŋa ni la də tarɪ hẽ a tablo dɔba n boo a lurgo lembam la a temba. Də songra songra a fuba beng wa, walɪma dõm hẽn pa ba ba bakra a yão la domba hẽnge ɪ fi.

2. A hɔ̃ngrɔ hong totə gurup kong ekipima hĩi la də hɔ̃ngu ke dəkɔ gulle la zɔmmu də bakɪ də gulle seno dõm ala zɔmmu də kuru la a kẽna maa la a benna mentam.
3. A hɔ̃ngrɔ hong zãngra a tembre, la ekipifi hẽng bella bakɪ kun ba dəy da ba hao də də dəysɪ də yɪkani, ba songru domba. A ekip dõm fo dõm panda yorobam /walɪ dõm. A ekipi dõm kun dəysɪ gu hao a hɔ̃ngrɔ hong la songru a tembre kong. Neng gu bakrɪ gu yaku halɪ a temba hẽng duru be hɔ̃su. A gurup dõm kun da a tembə gu kẽesi la dəysɪ.